

क्ववाबाहाःया बंशावली

लेखक:

रत्नराज बज्ज्राचार्य

चुकवाहाः, यल ।

11

स्वापू तय्गु थाय्
लगंस्यो, माजुसिमाया न्ह्योने

प्रकाशकः

मङ्गलरत्न शाक्य (जेठा)

कुटिवाहाः, नागवाहाः, यल ।

न्हापांगु संस्करणः- ५००

नेपाल संम्बतः- १११३

विक्रम संम्बतः- २०५० भाद्र महिनाया अनाला पुन्ही

मूः- १२/-

भाकूः-

मच्छिन्द्र प्रिन्टिङ्ग प्रेस

इखाछे, मानन्दबहाल, यल ।

फोन ५-२६५०८

भूमिका

ध्व हिरण्यवर्णं महाविहार (क्वावाहाः) घका नां दना
चवन । थुक्रिया सर्वसंघ जुयानं थःवगु बिहारया महत्व मस्यु
घका कुटिबाहाः, नागवाहाःया श्री मङ्गलरत्न शाक्य (जेठा)
न्योगुलि जि छगू स्यूथें पुलांग् सफू स्वया च्वयागु खः । थुगु
सफूति टुटफूट दय्फू । व्वनिपि ज्ञानिजमपिसँ क्षमा याना
बिज्याई दि घैगु आशा दु ।

लेखकः

एतनराज बज्राचार्य

१०५० भाद्र महिनाबा

अनाल पुन्ही

चुकवाहाः, यल ।

(माजुसिमाया न्ह्योने)

श्री करुणामयया बामालय ध्वजातगु

श्रेयोस्तु सम्बत् १०२३ साले जेष्ठ शुद्धि षष्ठ, सिंठी
नखः खुन्हु श्री करुणामयया बाय्मोलय् वहया ध्वजा २१२
तोलाग्यगु ध्वंजा प्रतिष्ठा यायेत गुभाजू ३२ ह्य आचाजू
१० ह्य यात पाठ याका ह्यति १।- (छर्का) दरं दक्षिना
बिया भोजन याकल शुभम् ।

पञ्चरंगीया पता छागु

वहे साले जाउलाखेले, जुद्ध शम्सेरं ग्वंतः सकलें थःगु
पटांगिरी मुंका, मूलं सिथयेंकेगु हुकुम जुल । ग्वंतयत्त म्हं
छतका दरं दाँ बिया छवत । सुनानं छुं घाय् मफुत ।
मयोंसा ३।- तका ध्येवा दण्ड घका न्यंका छवत । सकलें
छुं मधासे लिहाँ वन ।

कुलपादाचार्यया संतति

चुक्वाहाःया मणिदेव

तत्पुत्र मंजदेव

तत्पुत्र विश्वदेव

तत्पुत्र कुलदेव

तत्पुत्र कुलदत्त

तत्पुत्र विद्यादत्त

तत्पुत्र लक्ष्मीदत्त

तत्पुत्र जिनदत्त

तत्पुत्र रत्नमान

तत्पुत्र रत्नराज

तत्पुत्र हेमराज

८३९ साले द्वितीय राज्याधिपती जयमहिर्द्रासिह
देवस्य विजयराज्य ।

श्री कल्याणाय तति टोले तया तवबले प्रयाग पुखुया
भूतवाण लगेजूथा रथे च्वंहा भायोजू छहा सिना च्वन ।
थुखुन्हुया दिनया कर्म सिधयेका मेहा पलेसा च्वंवल ।
थुखुन्हु राते हाकनं भायोजू छहा सिना च्वन । थुजागु
अवस्थास बुझ्ग्यापि, चुकवाहाःले वया मणिदेव गुरुजूया
थाय् वर्योवल । प्रसन्नया बिचारं स्वगु अवस्थाय् प्यापुखुया
भूतवाण लगे जुल घका सिका, थम्हं श्री बिघ्नेश्वर गरेश
स्थापना याना बिल । थुखुन्हुनिस्ये शान्त जुल । थुहा गरेश
थोया अद्यापि पश्चिम स्वया बिज्यात । छोपिसालिथाय
नापं च्वंहा । थवया नापं तुं छगः दु । थोक्नहे मदया वन ।

चुकवाहाः

श्रेयोस्तु १०५८ माघ पून्हि खुन्हु राते सुवर्णं लेपीत
दिपंकर हर्ण ।

श्रेयोस्तु २०२६ साल आषाढ शुद्धि अष्टमी मंगलवार
आवन ७ गते कुलदेवता हर्ण ।

श्रेयोस्तु १०९६ मंशिर महिना बाहाःले दुने बःभु
सिजयामयः, सिला वर्या वच्च १, घण्ट, तगगु गं हर्ण ।

श्रेयोस्तु ११०४ साले चिभाले च्वंपि रत्न सम्भव
अमिताभ १ हर्ण ।

श्रेयोस्तु २०४३ साले आषाढ बडि १३ तृयोदशी रात्री
रत्नपाणी बोधिसत्व. ल्होया अमोष सिद्धि १, ल्होया स्त्री
पुरुष सालिक हर्ण जुल ।

लुमंके बहपिंभाजुपिनीगु नां

यल देशे चुरुबाहा या जाहे मनस्य निर्वाण
जुया बिज्याम्ह श्री मंजुदेव बज्राचार्यज्यू खः ।



यें देशे पुजापाठ याना, बिद्याधरी देवी सेवा
याना, निह्छीया छछाः सम्हे जक नया जाने
म्त्राम्ह श्री मंजुबज्र बज्राचार्यज्यू खः ।



ॐ नमो श्री गुरु बज्रसत्वाय ॥

आदि न्हापां ॐकार जुया बिज्जाकम्ह श्री गुरु
बज्रसत्त्व यात नमस्कार

ज्योतिरूप महाबुद्धं,
गुह्यदेवी निरञ्जनी ।
अनेक पूर्वकथा वृत्तान्त,
श्रुत्वा दृष्ट्वा यथा ॥
नेपालीकानां भूपानां,
वंशावली प्रलिख्यति ॥

ॐ नमो रत्नत्रयाय ॥ त्रिरत्नयात नमस्कार ॥

परापूर्वकाले निरञ्जन निराकार सत्चित्
परं ब्रह्म आदि बुद्धं परमेश्वरं सुमेरुपर्वत उत्पत्ति
याना, श्व सुमेरुया मध्येस हिमालय पर्वत, श्व
पर्वतया दक्षिण दिशा पाखे जम्बुद्विप जुया च्वन ।

थुगु थासे न्हद छगू दया च्वन । च्यागू (८)
 गुण अति निर्मल १ नस्वावगु, २ गर्मोबले ख्वांउ,
 ३ चिकुलाबले लुमुगु, ४ त्वनेबले प्दा यांग्वागु
 (हलुका), ५ अति सदा दुगु, ६ पथ्य निगु स्वछः
 यचुगु ८ ।

श्व दहने कर्कोटक आदि आपालं नाग राजा
 गणपिबासयाना च्वन । हानं अनेक जलजन्तु, ब्यां,
 न्यां, संखुचा, ग्रहागणपि संयुक्त जुया अति रसरंगनं
 ह्मिता च्वन । थुगु दहने पर्व-पर्वपति स्वर्गोच्चपि
 देवतागण वया स्नान कर्म याना च्वनिगु ।

उत्पन्नो बन्धुमत्यां नृपतिवर कुले,
 योविपश्चिवति नाम्ना ॥ यस्याशित
 सहस्रा न्यमरनर गुरो आयु आशित
 प्रजानां । येनावाप्तजिनेन्द्र दशवल
 वलिनो पाटला वृक्ष मूलेः ॥

बन्धुमती धंगु देशे बन्धुमान धंहा महाराजां
 राज्य भोग याना च्वन । कथनं महारानी बन्धुमती

देवीया पाख्ये पूर्णीमा खुन्हु भिगु तक्षत्र योगवारे
 कुमार छम्ह जन्म जुल । थव वालक यात थव
 कुलाचारथे जात कर्म याना नामकर्ण विपश्वी
 धका नाम छुनाव भिनकं प्रतिपाल याना तल ।
 कथनं शुक्ल पक्षया चन्द्रमाथे न्हिन्ह छिया तःधिक
 जुया दल । खुला दसेलि अन्नप्राशनादि यानाव गुरू
 पुरोहितपि सलताव पूजा विधियाना, थव थिथि
 इष्टमित्रपिन्त मेवा मिष्टान भोजनादि याकाव
 दुःखी, दरिद्रपिन्त दान प्रदान यानाव च्वन । थुगु
 पुण्यं प्रजालोकपिनी दुख मदया व सुभिक्ष जुया
 चोन ।

थनंलि फिखुदेंया अवस्था जूसेंलि विपश्यंती
 धेम्ह कन्या विवाह याना बिल । थव बेलस दिप-
 श्यति देवी सहितनं आनन्दनं च्वन जुल ।

थथे निदेंप्यदें दया वसेलि विपश्यवती देवी
 या पाख्ये कुमार छम्ह जन्म जुल । थव कुमार
 यातनं जातकर्म व नामकर्णयाना महामती धका
 नां छुना भिनकं प्रतिपाल यानाव तल । थनंलि
 विपश्वी राजकुमारया थव पुत्रया खा स्वया,
 आवजा कुल थीर जुल धका मती चित्तयाना

छन्हुया दिने तपोवन बिज्याना समाधि योगयाना
 बिज्यात । थुजागु अवस्थां दक्क मारयात त्याका
 जिनेन्द्र धंगु बुद्ध पद लाना बिज्यात । विपश्ची
 तथागत धका लोके प्रख्यात जुल । श्वसपोलया
 अग्र शिष्य खंदतिष्ठय भिक्षु अशोक उप भावक,
 सत्य धर्म बोधिसत्व प्रमुख असंख्य शिष्यापि सहित
 नं अनेक धर्म व्याख्यान यायां, छन्हुया दिने
 नेपाल मण्डले पश्चिम पाखे जात मध्ये उत्तमगु
 पर्वते बिज्याना, पूर्व स्वया, योग समाधि याना
 पलेपु सकि छगः पुखुली दथवी अधिस्थान याना
 पिना बिज्यात । थुखुन्हु चंद्र शुक्ल पक्षे पूर्णोमा
 दिन जुया चवन । श्व वेत्तस शिष्यपिसं बिन्तीयात
 हे भगवान ! छलपोलं पिनागु पलेपु गुबले चुलि
 ह्वइगु धका बिन्तीयात ।

श्री भगवानं आज्ञा दयेका बिज्यात । हे
 शिष्यगणपि ! श्व जि पिनागु पलेपु लिपा
 दृष्टि १००० ह दुगु पलेस्वां ह्वई धका आज्ञा
 दयेका यनं प्रस्थान याना लिहां बिज्यात ।

थुगु जातमात्रोच पर्वते बिज्यागु थानस
 चंत्य छगः दयेका तगु दु । चंद्र पून्ही खुन्हु मेला
 जुया चवन ।

थौया अद्यापि दनी । थुगु चैत्य दर्शन यानागु पुण्य
 वाप दक्क नाश ज्वोगु जुल । थुम्ह विपश्वी तथा-
 गत चय्द (८०) दे बर्ष तक धमं व्याख्यन याना
 छन्हुया दिने निर्वाण जुया बिज्यात ।

आदौ सत्ययुग प्रमाण १७२८०००
 वंशे पृथ्वीस्वराणां महतिपुरवरं ये प्र
 जातो रूणाख्या वर्षाणामा युराशित
 सकल गुणनीधे यस्य सप्तायु तानां
 संप्राप्तोयेन बोधि सरहित पटुतो
 पुण्डरीकस्य मुले ॥

थनलि अरूणारख्य धंगु देशे अरूण धैम्ह
 राजा राज्य भोगयाना चवन । छन्हुया दिने न्याय
 नीति धर्मया प्रभावं प्रभावती रानीया गर्भ
 कुमार छम्ह जन्म जुल । राजा प्रजा सकल अति
 हर्षमान नं मावको कर्मकाण्डयाना, शिखीनाम
 कर्णयानाव प्रतिपाल याना तल । कथनं तत्रधिक
 जुयाव चतुषष्ठी करामनं सन्पूर्ण जुसेलि

जौ नय अवस्थास सुलक्षण संयुक्तम्ह दग्धा
 शिखी मालिनी बिवाहयानाव थव कुलाचारथे
 गुरू पुरोहित इष्टमित्रपि यथायोग्य प्रमाण मेधा
 मिष्टान्न भोजनादि याकाव आनन्दनं चवन जुल ।
 कथथे छन्हुया दिनस शुभ लग्नस कुमार छम्ह
 जन्म जुन । थव कुलाचारथे रत्नधर धका नाम
 कर्णयाना व भिनंक प्रतिपाल यानाव तल ।

थन शिखीराजकुमारया मनं कुल थीर
 जुल धका मती त्वीका छन्हुया दिने तपोवन
 बिज्यात । पलेस्वांया छीने आशनयना पूर्व
 स्वया योग ध्यान समाधि यना बिज्यात ।
 समाधि योगया प्रभावं मारदक्कं जितेयाना तथा
 गत पदलना आगलं शिष्यगणपिन्त चतुराय
 सत्य धर्म व्याख्यान याना बिज्यात । अग्र शिष्य
 अभिसंभव व उपशिष्य क्षेमराज प्रमुख आपालं
 लोकपि मुंका नेपालयः नैऋत्य कोण थाहाँ
 बिज्याना, स्वया बिज्यागु बखते दहैया दध्वी
 द्विछि हः दुगु पलेस्वाने दध्वी कुछिया प्रमाणं
 ज्योति छगू दया चवन । थव खना श्रद्धा पूर्वक
 ध्यानयाना अस्तुति बवना बिज्यात । श्री धर्मधातु

मणीशं करुणा बतारं पञ्चबुद्ध्या दर्शनं लाक जुल ।
 थुगु प्रकारं प्यत्वाः । ४) श्लोक ब्वना थवगु शरीर
 तोता थ्वहे ज्योती रूपय.के लिन जुया बिज्यात ।
 शिश्यपिं सकलें थदवथ देशे लिहाँ दन । थुगु
 अवस्था न्हेय्द (७०) दै बर्ष आयु जुल ।

त्रेतायुग प्रमाण १२९६०००
 यःजोत नोपमाया पृथुत्तर, यशमा,
 मन्वय पार्थवाणां आयु षष्ठी, सह-
 श्रान्यभव, दुरूपते यश्य संवत्सराणां
 जित्वा क्लेश अश नमतमधिगतं येन
 शाल स्यमूले ॥

थनंलि शामन्वः देतो सुत्रवंशी राजां राज्य भोग
 जले याना बिज्यात । थथिगु अऽसरे सुप्रभाःती
 देयो रानीया गर्भनं पूर्णो खुःहु दिने शुभ लगनस
 कुमार छम्ह जन्म जुल । देशे सकभनं शुमङ्गल
 जुयावल । थन राजाया मनस अत्यन्त हर्ष यान
 जुयाव थःवगु पुरोहित सःता माक्व कर्मजात कर्म
 नामकर्ण शिश्चमुव धकं नाम छुनाव भिनक प्रति-

पाल यानाव तल । कथये समस्त शास्त्र विद्या
 पारंगत जुस्येलि यौवन अवस्थास शुभ लक्षणी,
 अति सुन्दरी विश्वभरादेवी कन्या विवाहयाना थव
 थियो, इष्टमित्र सताः कुलाचारथे भोजनटाका
 यथायोग्य प्रमाणं गुरु पुरोहितपित्त दक्षिणा ियाव
 सुखनं चवन ।

थनंलि छन्हुया दिनसं कुमार छम्ह जन्म
 जुल । कुलाच.रथे जात कर्म यानाव आकाशगर्भ
 धःकं नाम प्रख्यात यानाव प्रतिपाल याना तल ।
 थनंलि थःवया ख्वाल स्वया कुलथीर जुल धकाः
 मतीतया छन्हुया दिने तपोवन बिज्याना धुंसिमाया
 कवे च्वना योग समाधि याना बिज्यात । मारदक्क
 हतययाना तथागत पद कथा बिज्यात । थनंलि
 योग समाधि दना अनेक धर्म व्याख्यान याना पर-
 यात उपकारय.ना बिज्यात । प्रथमशिष्य, शोन
 भिक्षु, उपशिष्य, उपशान्त भिक्षु, हानं पर्वतनाम
 बोधिसत्व प्रमुख आपालं शिष्य भिक्षुगर्णपि मुंका
 थान थानान्तेर धर्म चक्र प्रवर्तनयाना, अग्ने कोण
 थाना बिज्याना श्री स्वयम्भू ज्योतिरूप दर्शन याना
 लाख दाफोस्वां छाया अस्तुति ब्वना प्रार्थना याना
 बिज्यात । स्वां छाया इश्वर दर्शन यागुलि फुलोच्च

पर्वत एकं नाम प्रहयान जुया चवन । युगु वन्वने
मनुष्यया आयु ६० वृ दे जुया चवन । थनंलि लिहं
विज्याना कालान्तरे निर्वाण जुया विज्यात ।

क्षेमावत्यां प्रजातो, मनु जयतिसमं
योवती विप्रवंशे, आयु वर्षा युतानी
प्रभव गुण निधेयस्य वास वलेन
जिनेद्रयेतलब्धं त्रिभव वधकरं ज्ञान
खड्ग गिरिषैः ॥ वंदेहसिद्ध कार्य
सुगत मनुपमं श्री ऋकुछंद संज्ञं ॥

थनंलि त्रेतायुग बछि वस्येलि, क्षेमावती धैगु
शहरे अग्नीदत्त राजा, विश्वःमणी रानी सहितनं
न्याय नीति धर्मनं प्रजा प्रति पालन याना चवन ।
थनंलि शुभ लग्ने राजकुमार जन्म जुल । जन्म
जुया मात्रनं अति सुभिक्ष शुमङ्गल जुया व राजा
प्रजा सकलया अति हर्षमान जुया व थव कुला-
चारथे जातकर्म याना व ऋकुछन्द धकं नामकर्म
यानाव भिनकं प्रतिपाल यानाव तन ।

यनंलि कथनं शास्त्र, विद्या चतुषष्टी करामत
 पारंगत जुस्योलि जौभन अवस्थास ककुटवती कन्या
 विवाहयाना बिल. सुखआनन्दनं चवन जुन । थनंलि
 छन्हूया बिने सन्तःन जन्म जुल । कुल सन्तानया
 ख्वाल स्वयाव मावको कर्म सिद्ध जुस्योलि, आव कुल
 स्थोर जुल घःका मति तथा छन्हूया दिने तपोवन
 बिज्याना लाखे सिमाक्वय बिज्यात । योग समाधि
 याना बिज्यात । दक्खो मार जिते याना दना
 बिज्यात । ऋकुञ्जन्द तथागत नाम प्रसिद्ध जुल ।

थुह्य तथागतया प्रथम शिष्य, त्रिधुर द्वीत्तिय,
 शंजोव, ३ तृतीय बुद्धिख ज्योतिपाल बोधिसत्व
 प्रमुखनं आपालं शिष्यपि मुंका अनेक दमं व्याख्यान
 याना, देश देशान्तर चाहुला, पर उपकार याना
 बिज्यात ।

युगु वखते महाचीने पञ्चशोषं पवंते बिज्याह्य
 महा मञ्जुश्री गुहं ध्यान दृष्टीं स्वगु बखते नेपाले
 महान्द दक्खी ज्योतिरूप उत्पति बुया बिज्यागु
 स्वया थव स्त्री केशनी व उपकेशनी निम्हं जवः
 खवं तथा सिंहया ह्यस बिज्याना, नेपाल थ्यंक
 बिज्यात । चन्द्रहास खड्ग ज्वना, ज्योतिरूपः ।

दर्शनयाना पूर्वपति श्रीनाद पर्वते बिज्याना आदि
 गणेश आराधनायाना, श्री गणेशयात लःया यात
 स्वके छवत । श्री गणेशं ल या यात स्वया दक्षिण
 दिशा कोथ्यागु सिङ्का जल बिघ्वांतकयात बरदान
 बिद्या यहाँ बिज्याना श्री गुरुयात, जलया यात
 कना थवथास लिहाँ बिज्यात ।

थनंलि दक्षिण दिशास बिज्याना कापोत ल
 पर्वते चन्द्रहास खड्गं जल लःया निकास चाय्का
 (खोलेयाना) बिज्यात ।



ॐ नमो रत्नत्रयाय नमः ।

श्री त्रिरत्न, बुद्ध, धर्म, संघयात नमस्कार

भाषकर वर्ण महाबिहारेसं बिहारेराजितं,
जिनं पूर्वाभिमुख श्रीमान शाक्यसिंह नमाम्यहं ॥

भास्करदेव जुजुं दयेका बिज्यागु बिहारे
पूर्व संमुखयाना बिज्याम्ह श्री शाक्यमुनी भगवान
यात नमस्कार !

परापूर्वकाले त्रेतायुगे पञ्चशीर्ष पर्वते
बिज्याम्ह मञ्जुदेव बिज्याना ज्योतिरूप दर्शनयाना
नागवास दहं छेवन याना बिज्यात । जलजन्तुपि
सकलें लः लिसे पिहाँ वन । कर्कोटक नागर/जाया
परिवारपि सकलें वने त्यंगु बखत्ते रोकय् याना
तवदहं दयेका जल (लः) भरेयाना नेपाःयागु
अधिकार बिया सुवर्णमय अन्तपुर दयेका दहंने

बास बिया बिज्यात । थोंया अद्यापि गुरू मञ्जु
देव यागु बचनर्थे थोरं बिज्यात ।

थनंलि मञ्जु देव आचार्य, थान-थानंतरे
सोया लःया निकास खोलेयात । न्हापां कोदुवाल
तिर्थ, अनंलि कछपालया पर्वत, अननं थाहाँ
बिज्याना गौरीघाट, अननं चव्य गोर्ण पर्वत
जम्मा प्यंगू पर्वत ह्यसिकाप प्रसिद्ध जुल । पूर्नवार
थानथानांतरे स्वगु बखते पश्चिम दिशा, बलखु
छर्गलि लःलिकूंगु खना अननं छेदनयाना लःयागु
निकास खोल्थ याना बिज्यात । अननं बिज्याना
लखका धारा हिांवया च्वंगु खना जल स्नंमन
समाधि याना बिज्यात । लंखया धारा लीकी धारा
जुसेलि छवे च्वे थ्यंक म्हुना वन । लंखया फुटि
फुटि वगु अनेक प्रकार जुया दसेलि थुगु स्थानस
अवश्य छगू हेतु दे धका एकचित्तं ध्यान याना
बिज्यात मंगशीर कृष्णपक्ष रात्री मध्यान्हकालस
दशमी तिथी प्रवेश जुया व अनेक प्रकारं इश्वरपि
दर्शन लात । थनंलि थव स्त्रीपि निम्ह जवः खवः
तया गुह्य समाद्धि षोदश उपचारनं पूजा बिधि
याना बिज्य क जुल । हानं श्री हेबज्ज नैरात्मादेवी

वर्शन याना श्री सम्बरोदय दशमी पर्वकाल तोशि
दय्का बिज्यात ।

थुगु नेपाले चर्वापि बिहार पति दिशी धका
पूजा विधी याक जुल । अनंलि ज्योति रूप पद
पूर्व पाख्ये फय्वया पश्चिम पत्ति गोपुच्छ पर्वते
लिधना बिज्यात । थुगु स्थानस भिनकं बिचार
याना पुखु छगु दय्का इश्वर स्थापना यान
बिज्यात । श्वसपोल मञ्जुदेव, जिगु कार्य सिधल
देश दयेकेत बिना राजा मदय्कं मजिल धका मति
तयाश्व पर्वतेसंतु निर्वाण जुया थःवगु स्थान पञ्च
शीर्ष पर्वते लिहाँ बिज्यात । चीन देशया धर्म्माकर
राजायात नेपालया खँ माक्व कना, नेपाल वना
देश स्थापना याहुं धका आज्ञा दयेका बिज्यात,
तथास्तु धका मञ्जुदेवया आज्ञा न्यना थव पूजा-
गर्णपित मुंका नेपाल वने धकं, आपालं धन ज्वना
प्रस्थान याना वल । ववंकथनं नेपाल थेसॅलि
उत्तनेत बास स्थान मदयाव पूर्वपत्ति पांचाल देश
थेंक बिज्यानाव बासयाक जुल । निन्हू, प्यन्हू दया
वसॅलि धर्म्माकर राजां देश दय्काव थान-थानतर
पूजागर्णपित बास बिया अनेक उद्योग याका प्रति-

पाल याना हल ।

थनंलि त्रेत्रायुगया बछि वसेंलि ऋकुछन्द
बुद्धया पर्याय जुया वसेंलि, वसपोलं छन्दुया दिने
ध्यान दृष्टि स्वगु बखते नेपाल मण्डले श्री ज्योति
रूप दर्शन यायेगु मति तथा थव शिष्य सहितन
नेपाल बिज्याना स्वयम्भू दर्शन याना शखोच
पर्वते बिज्याना धर्म देशना याना धर्माकर राजा,
अभयदण्ड राजा, गुणध्वज ब्राह्मण, क्षेत्री, शुद्र
चतुर्वर्ण जातयात चुडःकर्म याना, प्रवज्या ब्रत धर्म
याका बिज्यात । थव शिष्यपिन्त अभिषेक बियेत
लंछ मदया श्री गुरु बज्रसत्त्व स्मरणयाना उच्चगु,
उत्तमगु ल्होतस बाक्य ल्हाना बिज्यात । थुगु अव-
स्थास श्री बज्रसत्त्व गुरुयागु जवया तुती म्हाला
पतिनं लंछया धारा उत्तपति याना ल्होतं कोचाला
बागमती उत्पन्न जुया पूर्व स्वसें प्रस्थान याना
बिज्यात । थवहे जल अभिषेक बिया बिज्यात ।
थुखुनु निमै नेपाले प्यगः कलशं अभिषेक बियेगु
चलन दत ।

थुमिगु संबछि थला लखं चुडके छवत । अले

केशावती नदि प्रशिद्ध जुल । दक्षिण स्वसें प्रस्थान
 जुया बिज्यात । बछि केश थ्वहे पर्वते तथा केश
 चेत्य धकं नामकर्ण याना बिज्यात । थौया अद्यापि
 तकं दनि । थ्व बागमती नदि गोकर्ण थ्यसेलि
 अमोघफल दायिनी संगम जुया पुण्यं तिर्थ व थननं
 निगूगु तिर्थ बागमती मारदायणी संगम जूगु शान्त
 तिर्थ, अनंवया बागमती मणीरोहिणी रुद्र धारा
 संगम शंकर तिर्थ प्रशिद्ध जुल । थुगु थासे पांचाल-
 देश (पनौती) देशं बज्रपाद वज्राचार्य शतशःस्त्र
 पारंगत जुया बिज्याम्ह छन्हुया रात्री थुगु शंकर
 तिर्थ मोल्हुया थवनित्य कर्म, जप-पाठ, पूजा
 सिद्ध याना मृन्मय कलशे थुगु तिर्थ यागु जल भरे
 याना दक्षिण दिशासं बिज्याना जंगल दथुसं कलश
 स्थापना याना, पञ्चोपचार पूजायाना बज्रपाणी
 श्री लोकाेश्वर आह्वान याना समाधि तपस्या याना
 च्वन । च्वच्चवं निन्हू प्यन्हू दयादल । थुगु अव-
 स्थास मुखावती बिज्याह्य श्री आर्याविलोकितेश्वरं
 ध्यान दृष्टि स्वयान थवः जघे बिज्याह्य बज्रपाणी
 यात आज्ञा दयेका बिज्यात । हे बज्रपाणी ! छ
 नेपाल मण्डले बिज्याना बज्रपाद आचार्य घात बर-
 दान बिया वा धका आज्ञा दयेका बिज्यात ।

थनंलि बज्रपाणी लोकेश्वर आकाश मार्गं बद्धान्
 बिज्याना नेपाल मण्डले बज्रपाद आचार्यया न्होने
 बिज्यात । बज्रपादया मिखा निपां तिसिना जप
 सत्राधियाकग कोटि जपधन (सिधल) । थनं
 बज्राणि लोकेश्वरं पञ्चरश्मी प्रकाशयाना मुदृष्टि
 स्वधा बिज्यासेलि आचार्यं मिखाकना स्वगु बद्दते
 थःवगु न्होने कलशं थाहां बिज्याना च्वंम्ह
 ईश्वर दर्शनयाना थःवगु शक्त प्रमाणं पूजाभाव
 भक्तियाना चरणसं भोकपुया च्चन । थनंलि धी
 बज्राणि लोकेश्वर आचार्यया ख्वा स्वया आज्ञा
 दयेका बिज्यात-भो बज्रपाद ! छं छु कामनां
 तपस्या, योग समाधि यानागु, छन्तमागु बरदान
 जिनं बिये धकं आज्ञा दयेका बिज्यात । थनं
 आचार्यं बिनती यात-हे प्रभु ! जि अज्ञानी, अनाथ
 जुया दशाकुशल पाप जि याना तयागु दु । थ्व
 पाप दक्कं फुका नरकया भय मदयका बिज्याहुं
 जित मेगु बरदान छुं नं म्वात । अन्ते छलपोल-
 यागु भुवने जित बास लाका बिज्याहुं धका
 बारम्बार दण्डवत् प्रणामयाव च्चन ।

थनं इश्वरं भबिष्यया खं आज्ञा दयेका

बिज्यात भो बज्रपादाचार्य !

अत्र तीर्थे हिरण्यनाम आखु आगत्वा
नित्य नित्य स्नानं करोति तन्मूषिक
बासस्थाने कलियुगसमय बुद्ध मूर्ति
प्रति स्थापयति ।

भो बज्रपाद आचार्य ! थुगु कथंतिर्थे हिरण्यक
नाम छुं न्हिथं २ स्नान याः वैतिनी । थ्व छुं
बास यागु यास कलियुगया बुद्धया मूर्ति स्थापना
ज्वी तिनी । छं थुगु तिर्थे छनं न्हिथं स्नान, कर्म
जप, पाठ, पूजायाना चवं । छन्त मोक्षगती प्राप्ती
ज्वी धकं आज्ञा दयेका अर्न्तध्यान जुया बिज्यात
बुखुन्हनिसें थुगु कुम्भ तिर्थे लंख प्रवाह जुयाव
चवन जुल, थ्वखः कोन्ति । थुलि त्रेतायुगया खं
जुल ।

थनंलि कनकमुनीया पर्याय जुयावल । श्री
स्वयम्भू अष्टबैतराग, द्वादशतिर्थ जात्रा नेपाल
मंडले प्रशिद्ध जुल । देव, भसुर, नाग, यक्ष, मानव
राजा, प्रजागणपिनी तिर्थ जात्रायाना हर्षमान

जूग जुल । द्वापरयुगे निम्ह बुद्ध उत्पन्न जुया
बिज्यात ।

काश्यप बुद्ध काशी क्षेत्रे जन्म क्या, बोधि-
जन लाना, धर्मचक्र प्रवर्तनयाना ववं २ नेपाल क्षेत्रे
थ्यंका बिज्याना श्री स्वयम्भू ज्योतिरूप दर्शनयाना
श्री गुह्येश्वरी पूजाभादयाना, तिर्थ जात्रायाना
गौडदेशे बिज्याना प्रचण्ड देव राजायात नेपालया
बयान कना बिज्याना थवः शिष्यपिन्त चतुरार्य
सत्य धर्म प्रकाशयाना थानस लिहाँ बिज्याक जुल ।
थुलि द्वापरयुगया खँ जुल ।

अनंलि कालान्तरस गौड देशे प्रचण्डदेव
राजां राज्य चलेयाना बिज्यात । थःव पुत्र शक्ति
देवयात राज्याभिषेक बिया रानी सहितनं तपोदन
प्रवेशयक जुल । बने थ्यंका मन चिन्तना यात ।
थव जङ्गले चवना जिं स्वत ज्ञान, बुद्धि
प्रकाश यायेगु उकिं देश देशान्तरे दना जिन
ज्ञान दान बिया जगत् हित यायेगु धका
मतिताया, अननं देश देशे लोकपिन्त ज्ञान खँकना
चाचाहुला बिज्यात । ववंववं नेपाल मण्डले थ्यंका

श्री स्वयम्भू ज्योतिरूप, श्री गृह्येश्वरी दर्शनयाना
 पत्रः स्त्री सहितनं अष्टबैतराग द्वादश तिर्थ यात्रा
 व गोपुच्छ पर्वते, पश्चिम दिगे, श्री मञ्जुदेव
 निर्वाण जुया बिज्यागु थासे चैत्य सेवायाना श्री
 मञ्जुदेव दर्शनलाक जुल । थुगु अवसरे गुणाकर
 आचार्ययाके शिक्षा कयाव प्रब्रज्या दत्त धरेयाना
 अनेक प्रकार नं पाठपूजा, जप-ध्यान यानाव चवन ।
 थनंलि प्रब्रज्या दत्त धर्म पारयानाव, पुनर्दार व
 वज्राचार्य पदकया श्री ज्योतिरूप स्वयम्भू तोक
 पुयाव प्रतिस्थायाक जुल । थुगु थासे पञ्चपुर
 स्थापना यानाव नेपाल भूमि रक्षयाय निमित्तिनं
 थवहे पर्वते गुफा छगू दयेका क्वेछि प्रमाणं दुर्गम
 स्थानसं तपस्या यानाव थीरनं बिज्याक जुल ।

थनंलि कलि समय जुया वसेलि कालान्तरे
 लुम्बिनी वने, सवार्थसिद्ध राजकुमार जन्मकया
 गृहस्थीयारूपं बिवाह कर्मयाना जशोयात सन्तानया
 संक्षिप्त खंकना, न.संचाया प्रहरे तपोवन बिज्याना
 भारदक्व जित्तयाना, मृगदाबने धर्मचक्र प्रवर्तयाना
 चाचाहिला जूजुं थःवगु राज दरवारे बिज्यात ।
 थःवौ शुद्धोदन महाराजा, माता गौतमी, स्त्री
 जशोयरा व पुत्र राहुलभद्र कुमारपिन्त हितयाना

बिज्यात । ताकालं दसेलि अननं लुम्बिनी जात्रा
याना, देश देशान्तर चाहिला ववंबबं नेपाल पुण्य
भूमि (क्षेत्र) थ्यंक प्रस्थान याना बिज्यात ।

श्री शाक्यमुनी भगवान नेपाल मण्डले गोपुच्छ
पर्वते थ्यंका श्री स्वयम्भू दर्शनयाना स्तोत्र, प्रार्थ-
नायाना थःव शिष्य भिक्षुगणपि मुंका पश्चिम
दिशा पाछ्ये विज्याना अनेक कथा धर्म व्याख्यान
याना च्वच्चं ताकालं वर्ष विते जुया वसेलि,
छन्हूया दिने थःव शिष्य भिक्षुगणपि मुंका आश्रम
दना श्री स्वयम्भू प्रदक्षिनायाना गोपुच्छ पर्वतं
क्वहां विज्याना पूर्व सम्मुखयाना विज्यात । थुगु
अवसरे मञ्जुपतन शहरे, न्हापा मञ्जुश्रीया^{विज्यात}सताने
छम्ह वज्र लेपकमीया पुत्री छम्हस्ये श्री शाक्यमुनी
विज्यागु खना लैय् दना, बिचारयाना स्वया च्वन ।
थ्वसपोलयागु, रूप, जोभन, तेजखना अति हर्ष-
मानयाना स्वया च्वन । श्री भगवान श्री गुह्येश्वरी
दर्शनयाना नेपाल पुला पनौती थ्यंका अननं नवरा
पर्वते थेंका विश्रामयाना विज्यात । थनं आनन्द
भिक्षुयात सःता आज्ञा दयेका विज्यात ।

हे आनन्द भिक्षु ! थ्व चेत्यया उत्तर दिशा

प्वालं द्रुहांवना (द्रुनेवना) वता छःग कयाहि धःका
आज्ञा दयेका विज्यात ।

श्री भगवानया आज्ञा न्यना आनन्द भिक्षुं
चैत्यया प्वालं द्रुहांवना सुवर्णया वता कया हया
श्री भगवानयात लःवह्नाना विल । श्री भगवानं
श्वहे वता चायेका थःव पूर्व जन्मयागु अस्थि धातु
दर्शनयाना सकल भिक्षुपितनं दर्शन बिया श्री
महासत्व राजकुमारया जन्म कथा आज्ञा दयेका
विज्यात । थ्व खँ न्येना सकल हर्षमान जुया च्वन ।
थनलि थ्व सुवर्ण वता न्हापार्थेतुं आनन्द भिक्षुयात
बिया चैत्यया दुने तय्के छ्वत ।

थननं प्रस्थानयाना ववं ववं देशान्तर चाहिला
बिज्याक जुल । थनंलि कथनं दिन बिते जुया वसेलि
वज्रकर्माया पुत्री जौमन अवस्था जुसेलि कंयादान
बिल, दछि-निदं दस्येलि, सन्तान छम्ह जन्म जुल ।
व बालकयात जातकर्मया न्हिथं प्रतिपाल यानातल
थनंलि श्री भगवान कुशीनगरथेका निर्वाण जुया
बिज्यात । था भगवान निर्वाण जूगुलि सकल राजा
प्रजा दुनियागणपिनिशोक संताप ज्वीकाच्वन जुल ।

थुगु बखते गनंहे बुद्ध मूर्ति स्थापना मजुनी ।

થુહાલેય કર્મયા પુત્રો જીવનયા અવસ્થા જુસેલિ, બો
 બોપિસેં પુરુષયાત કંન્યાદાન બિયા છવત। નિવંપવે
 દયવં સંતાન છમ્મહ દત । દક્ષિદયવં બો સ્વર્ગોય જુલ ।
 માવક્રિયાકર્મ સિધય્કા થઃવપુત્રયાત બુધેફુથે નકા
 ત્વંકા પ્રતિવાસયાના તલ । ન્યાવે, છુવંયા અવસ્થાં
 જાન, બુદ્ધિ, વિદ્યા સયેકાવ હલ । છગૂછગૂ તાદમે
 પાસાપિ મુના અનેક શિલ્પકલા સય્કા સિય્કા,
 અંગ લક્ષણ પુરે જ્વોકથં મહનાથે સ્વયં બું મંગઃ
 પંછિ, પશુ, જનાવર વયેકાવ હિતા જુલ । થવ
 બાલક ન્હિયાન્હિથં વદ્યે જુયાવ વલ । થવ બાલક
 વછિ વયેવં બોહ્ય સ્વર્ગોય જુયા વન । થવ મન્નાયાત
 માહ્યસેનં નય્-મનય્યાનાવ અતિ કષ્ટનં કાલ હનાવ
 ચ્વન । પ્યદે ન્યાવેં દયાવ વલ । થવ મન્નાયા પાસાપિ
 નાપ હિતાવ ચ્વન । ગુબલેં ગુબલેં ચાયાપિ ન્હાવસા
 વયેકા મ્હિતા જ્વોગુ જુયા ચ્વન । થુગુકથં હિતા
 જુજૂં ચ્યાવે, ઝિવેં વયા વસેલિ માહ્યસેં ધાલ —
 હે પુત્ર ! છં ન્હાવલેં જિવાજન્તુ, મંગ-પંછિ થજા
 થુજાપિ દય્કા છુયાય ? બુદ્ધ મૂર્તિ છગૂ વયેકી ધકં
 ધાલ । થવતે માંયા વચન ન્યના કાયાહ્યસેં ધાલ—
 મો માતા ! બુદ્ધ મૂર્તિ ઇંગુ ગયે છઃ ? જિ મસ્યૂ,
 કનામ્યુ । અલે જિ દય્કા કેને ધકા ધાલ । જ્યૂકા
 વય્કી ધકા ધાલ । થુહુન્હુ શ્વો મગધાન યાગુ રૂપ,

ध्यान थःम्हं खंका कना बिल । थ्व मचां खें थ्वीका,
 थुबुन्हुनिसें पासापि फुकंमुंका चाःन्हाया आरंभयात,
 प्यन्हु, च्यान्हु दसेलि अङ्गलक्षण बिचारयायां दये
 कल । हया जा अवधि प्यकुत्या (४॥) हाकगु
 लक्षणं संयुक्त याना दय्का सिधय्का, मांह्य
 सःता हया वयन । मांह्यसें स्वया धाल- हे पुत्र !
 छं दय्कुगु छांत, अङ्ग लक्षण फुकं ठीकजू । थुकि
 प्यंगू लक्षण जक मगाः । छु छु धासा- जि खनाह्य
 भगवान लेंय् पदचारीयाना बिज्याह्य १, हानं श्री
 भगवान बिज्याबले धर्म व्याख्यानयाना बिज्यात ।
 भिक्षुपि जवंखवं तया बिज्यात ३, तेज चय्पकुत्या
 जवे खवे, न्ह्योने, लिउने तेज प्रकाशयाना बिज्याम्ह
 ४, थुलि जक मगाः । मेमेगु लक्षण फुकं संपूर्ण
 जू । धन्य-धन्य, साधु-साधु छ घका साधुकार
 याना अति हर्षमान जुया च्वन ।

थन उघिमे स्वर्गे च्वंह्य द्विष्टिगः मिखा दुह्य
 ईन्द्रं सिद्धकावया, थुह्य भगवान मूर्ति उरेयाना
 संका, नन्दन बगोचासं तया न्ह्यं न्ह्यं पूजायाना
 तस । थुगु मूर्ति थोया अद्यापि थोरं बिज्यात ।

थनलि मां व काय् निम्हं तोले जुया आकाशे

थःस्या च्वन । खने मन्त निराश जुल । थव
 पुत्रया सदा स्वया घाल- हे पुत्र ! आछुयाय् ?
 कीर्त दय्का तयाह्य इश्यर ग्रहणयाना यंकल ।
 हाकनं मेह्य दय्की धका धया निह्यमाचाया नया
 त्वना सुख सयन जुल ।

सखुंन्ह (कन्हेखुंन्ह) हाकनं पुननिर्माण यायेत
 पासापि सकलें मुना न्हेखुंनु जूगु घटना कना श्री
 भगवान मूर्ति दयेका हल । दयेकाहहं किन्हु निन्हु
 दयावल । न्हापायेंतुं च्वंक दयेकल । निला
 प्यमा दसेलि श्री भगवान न्हापायेंतुं च्वंला, मच्चंला
 धका केन । माम्हसैं बिच यात ज्यूका । न्हापायेंहे
 च्वं । ठीक जू ध्याक स्याव स वया मचा-
 सयेत दुश्य फुश्य नका त्वंका खुशीयाना छवत ।
 सखुंन्ह जुल जलाखलापिसें सिका स्ववल ।
 सकस्यां खुखीजुया श्री भगवानया मूर्ति दर्शन याना
 गुलिसियां स्वांछाया, गुम्हेसियां धुं धुपाय् च्याका
 हानं नैवद्य मढीचढि, फलफुल, मेवा मिष्टान
 छाया भाव भक्ति याना च्वन । थुगु कथं न्हिथं
 न्हिथं लोकपि वया पूजा भाव भक्ति याना च्वच्वं
 वेश वेशान्तरयापि समेत वया भाव भक्ति याना
 च्वन । थुगु बुद्ध मूर्ति बालागु खंल्हासा देशे

थंका प्रचार जुया वन । थुगु अवस्थाय् ल्हासाय्
 चवंपिसं सिका, फिम्ह, नोम्ह सेंत वया सोल ।
 न्यन्यन्यन्य थुगु थास थंका सोगु बखते आपालें
 लक्षणपुरे जुगु सिइका, थ्व मूर्ति हरण याय्गु
 मनयाना, थुगु थासे बिचार यात । न्हिन्हि वया
 थां स्वस्वं प्यन्हु न्धान्हु दस्येर्लि छन्हुया रात्री
 सकलया न्ह्योवया च्वंगु बखते खुया यंकल । प्रात
 काल जुया वस्येर्लि न्हापानंदना, नित्यपूजा याय्त
 वगु अवसरे देव मूर्ति मदया उखे थूखे स्वजुल ।
 खुया यंकुगु धःका सीका, नुगः मछिका माम्हं व
 काय्म्ह निम्हसिया, आः छुयाय् ! देव मूर्ति खुया
 यंकल धःका दुःखताया च्वन । आः अथेमखु हाकनं
 दयेके माल । आ.जाः गोप्ययाना, क्वातुका तये
 माल धःका मती तया अष्ट धातुयागु दयेके धकं
 माक्व सामाग्री तयार यानाव हल । थुगु बखते
 जोभनया अवस्था जुया च्वन । अति मनोहर
 जुयेकं श्री भगवानया मूर्ति दयेका हल । निला
 प्यला दस्येर्लि सम्पूर्ण ज्या सिधल । मांम्हयात
 बोना हया केन । मांम्ह खुशीजुया धाल स्वक
 तक दयेकलनं उथ्ये उथ्ये च्व लक्षण पूर्णजू
 धःका धया भिनक निदान याना बालक बिचार

दाना भावयाना गोप्ययाना व सेवा याकगु जुल ।
 कथंथ्ये दिन बिते जुजूं वन । छन्हुया दिनस मांम्ह
 स्वर्गारोहण जुया, इश्वरया भावभक्ति
 सुखावती भुवने बासलाक जुल । थन काय्म्ह स्याँ
 मावव क्रिया कर्म याना, इश्वरया शरणे च्वं च्वं
 जौभनया अवस्थास सुलक्षणी कन्या बिवाह
 यानाव श्री भगवानया सेवा याना च्वन । कथं
 दिन बितेजुया वस्येँलि कुल सन्तान प्राप्त जुल ।
 बालकयात जात कर्मयाना, इश्वरया शरणे च्वंच्वं
 जौभनया अवस्थास सुलक्षणी कन्या बिवाह याना
 व श्री भगवानया सेवा याना च्वन । कथं दिन बिते
 जुया वस्येँलि कुल सन्तान प्राप्त जुल । बालकयात
 जात कर्म याना भिनकं प्रतिपाल यानाव तल ।
 निदें-प्यदें दयावस्येँलि भावव सेनेकने यानाव
 तल । च्यादें, ङिदें दयावस्येँलि पुत्रयात इश्वरयागु
 पूजा भाव सेना कना, वृद्धा अवस्था मृत्यु जुल ।
 थुम्हु महात्मा पुरुष विश्वकर्माय अवतार धकलोके
 प्रख्यात जुल । श्री बुद्ध मूर्ति निर्माणयागु पुण्यमा
 प्रभावं सुखावती भुवने जन्मकाः वन ।

थनंलि कलियुगया समय, राग, द्वेष, मोह
 माया इश्वरया भावभक्ति कमजुया वल । नेगु

તોનેગુ પુનેગુલિ લલાચ જુયાવલ । થુગુકથં તાકાલ
 પર્યન્ત વયાવસેલિ છન્હુ દિને ભૂમિ કશ્પ માન
 જુયાવ નોરુપિન લ્હાના સિત । છે દક્ક દુના વન
 ગુલિસિયાં માં ચૌ મન્ત । ગુલિસિયા કલાઃ, કાય
 મ્હાય મન્ત । થુગુ મતિ મતિ દર્નિપિ મનૂતય ના,
 ત્વનેયા નિમિત્તે જગાયા જ્યા યાના પિના સયેકા
 નયેગુ, જ્યુજ્યુયે સનાયાના ચ્વન । શ્વ બુદ્ધ મૂર્તી
 નં છે ફુક્ક દુના, લ્હાના લોપ જુયા ચ્વન । સ્પૂપિ
 થકાર્લિપિ ફુકં સિનાવન । મચ્ચા, પિસાતસે સ્પૂગુ
 મહુત, મજ્જાને લાના અથે થથે છુંમપિયા ચ્વન ।
 થુગુ અવસ્થા જગાય્ પિના તવગુ પાકય્ જુયાવલ ।
 ચાન્હે છું છુયા યંકી ઘઃકા બુઈ પિવા ચ્વંચ્વન ।
 અર્ધરાત્રી, બાચા જાગુ વહતે અક્કસ્માત ગં થાના
 હલ ઘઃકા ઉલ્હે થુલ્હે સ્વજુલ । છુંનં છને મદુ ।
 ચ્વચ્ચં રાત બિતે જુયા વન । છેવયા નય્ ત્વને
 યાના ન્હિન્હિ છે મામાગુ યાના રાત જુયા વસ્થેલિ
 વજિચાય્ છો વન । ^{ગીથાલિ} ~~ન્હિ~~ યોલં ચાલ । ડના સ્વત ।
 છું છને મદુ । અનર્થ જુલ ઘઃકા યાકચિયા મને
 હંત્તાત્તાં રાત વિસેજુલ । છે વયા થઃગુ નિત્યાચાર
 સિધ્ધય્કલ । ન્હિમ્હેસિયા જ્યા હેં ફુક્કં સિધ્ધેકા
 રાતે છો વન ન્હોવલ । બાચાજાઈ ગં થાના હલ
 આજા શ્વ થાસે વિનિતયે, ન્હિન્હેવયા સ્વયા છકો

नि स्वये । अवश्य छुं हेतु ने धःका तुतां छू यंका
 स्वाना बिल । रात विते जुया वस्येलि छे वया
 नयेत्वने याना थः काय्, म्हाय्, कलापित दक्व छे
 कना सकले बोनाहया थम्ह चि तयाथाय म्हुया
 स्वत । म्हुम्हुं म्हुम्हुं वव्य् थासे थनेव धवाथुल ।
 तिजक खना स्वत । बुद्ध मूर्ति खनेदत । भिनक
 म्हुतुम्हुया थःसपाया च्वम्ह थनाबिल । लखंसिला
 हया बांलाक सुग्घर सफायाणा सकलयात दर्शन
 बिल सकसिनं फुथ्य पूजाभाव भवितयाना तल ।

थुगु बखते ललितापुरी महानगरे राज
 भाण्कर देव थकुरीजुया चवन । थव राज यत्त
 खबर छवया हल । देव मूर्ति लुगु खवर नेन
 शयन जुल । थुखुम्हुया रात्री श्री भगवान स्प्ते
 आज्ञा दयेका बिज्यात । हे राजन ! जि छे गुरु
 पुरोहित कुलपात बज्राचार्य छवया हया, कायके
 धका आज्ञा दयेका अन्तरध्यान जुया बिज्यात ।
 थन राजाया न्हेलं चाय्का सुख न चवन । प्रभात
 काल जुस्येलि, दुतयात सःता घाल हे दुतजन !
 छे न्याखाचोके बना, गुरु पुरोहित कुलपादयात
 निमन्त्रणा याना थय्ये ब्वनाहि धका आज्ञा
 दयेकल । राजाया आज्ञा नेना, तत्कारण दूतवना
 गुरु पुरोहित बिज्यात ।

थनं भाणकरदेव थकुरो राजां गुरुयात खनेवं
नमस्कार याना, आजा दयकल । भो गुरु ! छत्पोल
बिज्याना श्री भगवान मूर्ति कया हया बिज्याहुं ।
पूजाया सार्दाम छु छु माल ।, गथे छः ध.का
न्यना बिज्यात । गुरुं भिगु दिन बेलास्वया माक्व
सार्दाम कना बिज्यात ।

थनलि विन थेला थ्येसॅलि चॅलक भिक्षु छम्ह
थ्व शिष्य यात पूजा सार्दाम जोंका शुभलग्न, शुभ
बेलासं प्रस्थान यानाव बिज्यात । दक्खं
देवया स्थानस थ्यंका थुखुन्हुया राज्ञीस अधिवासन
पूजा आरम्भ याना चॅछि जागर्तनायाना, सुवर्णया
कलशे तिर्थलंछ, पञ्चरत्न, पञ्चोषधी, पञ्चामृत,
लाजा, अक्षत, दुर्वाकुण्ड सहित न्याता जाय-पाठ
पूजा यानाव प्रभातकाल जुस्येलि शुचि स्नानयाना
निराहारणं पञ्चो प्रचार पूजायाना पञ्चसुत्र
सहित नं जिवन्यास याना बिज्यात । ईश्वर प्रशन्न
जुस्येलि थुगु थासनं आकर्षया मन्त्र प्रयोग याना
व हल । हहंहहं शंखमूल थ्येस्येलि राजायात खबर
छवत । राजा नं सुवर्ण पत्र लायाव, देशे दक्को
बाजाहया लंसोवल ।

थनंलि शंखमूल तिरथ पुलावये धुस्येलि जंबुक
 यात गुरुं आज्ञा दयेका बिज्यात-भोजम्बुकराज
 थनं उख्ये जिमिगु यल देशे छिपि वयेमज्यु ।
 स्वस्ति शान्ति यायेमालि । उके छ त्याहां हुं
 धःका धया बिज्यात । थनं जम्बुक राजां बिन्ती
 यात-भो गुरुजी । थुम्ह श्री भगवानया सेवा
 भक्ति खः । जि लिहांवने मखु । श्री भगवान
 गन बिज्यात, अनहे जि बास याये धका धाल ।
 थ खँ न्येना चैल भिक्षु धाल हे जम्बुक राजा !
 छं आमथ्ये धायमते । छन्त जि दैय् छको पूजा
 भाब यावये छ याकनं लिहांहुं धःका धाल । थ्व
 खँ न्येना चित्त बुझेजुया, थव स्थाने लिहांवन ।
 थौंया अद्यापि मुखनं च्वन जुल ।

थ्व शंखमूल तिरथ लुंयापत्र ताफु सिद्ध जुया
 वन । थुकिया निशान ताफुया क्वसं खवे पति
 शिलामय मूर्ति बुद्ध थौं तक नं दनि । अननं
 प्रस्थान याना सिधुर जात्रायाना हहंहहं छगु स्थान
 स लगंख्येलय बिज्याम्ह पीठेश्वरी श्री महालक्ष्मी
 सिईका, इमाया मूर्ति जुया ब्वयावया कुलपाद
 बज्राचार्य यागु बज्र वांग्याना आकाशे ब्वया वन
 श्री भगवान रोक्य जुया बिज्यात थुगु थाय्या

नां स्वथ धाई । थुगु अवसरे ढज्राचर्य आकाशे
 थ स्वया आकर्षण मन्त्र प्रयोगयामा बिभूति इका,
 पका, तरण तथा ईमायागु बवे भूमि किचले
 सांला बिज्यात । थुगु बखते शकुनीरूप महालक्ष्मी
 बय् पछारे जुवल । थ्वंके च्वंगु काचाक लिकया
 थ्वहे बज्रं ववाना छंगु छ्यों तः छ्याना बि । छ
 सुखः ? गुम्ह खः ? छंगु रूप क्यो, मखुसा छन्त
 बाकि तयेमखु धःका बज्र म्हुया क्यन ।

थुगु बखते श्री महालक्ष्मी रूप जुया आज्ञा
 दयेका बिज्यात- भो कुलपाद ! थ्व ललितपुर
 (यल) देश जिगु राज्य, जिके छक हे मन्योस्येसे
 छं थुगु ज्या यागुलिं छन्त जि छलेयानागु खः ।
 छंगु शास्त्र मन्त्र तन्त्र खना जि खुशी जुई धुन ।
 धन्य धन्य छ खः धकं धया अन्तरध्यान जुया
 बिज्यात । थुगु थासे मातंगी धंगुनां प्रसिद्ध जुल ।
 थुगु थासन पश्चिम दिशानं बिज्याका, न्याखाचोक
 या दथ्वीस बिज्याका न्हिथं न्हिथं त्रिकाय शुद्ध
 याना, मुथे न्हापानं मोल्हुया नित्य पाठपूजा पञ्चा-
 मृत क्षीर भोजन चन्हेयाना गंभारसि १०८ सछि
 व च्याता गं थाना अपरिमिता धारणी व्वना,
 आरतीयाना, तुतः व्वता, सयन याना बिज्यात ।

थुगु प्रकारं न्हिथं नितः पूजा, जप, पाठ, पूजा याना
 निला-प्यला दयावल । थन राजा भाष्करदेवयानं
 न्हूगु बिहार दयेका हल । सुथे-न्हिनेस मिहनतयाना
 याकनं बिहार सिधय्कल । गुरुयात सतके छवत ।
 राजाया वचने गुरु पुरोहित बिज्यात । हे राजन !
 छल्पोलया वचने जि थ्यंक वय् धुन । आज्ञा छू ?
 धकं आज्ञा दयेका बिज्यात । राजा भाष्करदेव
 गुरुयात आशने बिज्याका नमस्कार याना आज्ञा
 दयेकल ।

भो गुरु ! छल्पोलं इश्वर कीगु देशे बिज्या-
 कुगुलिं जि न्हूगु बिहार दयेके धुन । बिहार प्रतिस्था
 याना इश्वर बिज्याकेत, लगन, साईन स्वया बिज्याहुँ,
 पूजाया सार्दम कना बिज्याहुँ धःका बिन्ती यात ।

थव गुरुं आज्ञा दयेका बिज्यात- हे राजन !
 छल्पोलं बिहार दयेका देव स्थापनायाना, सुनां
 नित्ययाना पूजा याई, न्हि स्वक मोल्हुया प्रहरे प्रहरे
 गभारसिं दाया अपरिमित धारणी पाठ वचना नियम
 पूर्वक क्षीर भोजन छाया संख्या तर्पण, दीर्दान
 त्रोट्र बोनेमाः । उक्थे छल्पोलपिसं नियम याये
 फेमखु धःका आज्ञा दयेकल ।

थवते गुरुया आज्ञा न्येना पूनर्वार राजां आता
 दयेकल- भो गुरु ! जिगु बचन धन खर्च याना ह्ये
 धुंका आमथ्य खँल्हाना बिज्यये मते । क्षम य ना
 बिज्याहुँ धका राजां आज्ञा दयेका बिज्यात ।

थन गुरुं आज्ञा दयेकल । भो राजन !
 थवसोल यात धन जक खर्चयाना मज्यू । मुख्ये
 शुद्ध नियम, जप, पाठ, पूजायाना जक खुशी ज्वीह्य
 इश्वर खः । थुकि छःपिसं जित्तीयाना बिज्याय्मते
 धःका आज्ञा दयेकल ।

थुलि गुरुया बचन न्येना राजा, मन्त्री, भार-
 दारपि टोल-टोलया थकालिपि न्ह्योने तथा सल्हा
 यत । थुगु अवस्था सकल लोकपिसं धाल-भो गुरु ?
 राजाया हुकुमं हया बिज्य ह्य इश्वर राजा भास्कर
 याह्य ज्वी । छलपोलयात दक्षिणा व शीलपाउ जक
 ज्वी, धःका लोक पंचं धया वन । थनलि न्हूगु बिहारे
 प्रतिष्ठा याना शुभ लग्नसं जज्ञ याना, न्याखा चोक्य
 बिज्याम्ह भगवान न्हूगु बिहारे प्रतिष्ठा याना व
 गुरु दक्षिणा, शिलोपाउ विया छ्वत । थुखुन्हान्सें
 भाठकर देव राजा न्हिथं मोल्हुया चतुर्थ प्रहरे गंभा-
 रसि दाया ॐ अपरिमिता धारणी पाठ याना न्हिन्ह

नित्य पूजा यांना क्षिर भोजन व पंचामृत, फल,
मुलादि मढी-चढी चन्हे यांनाव चवन । प्यन्हू च्यान्हू
दयावसेलि छन्हूया रात्री श्री भगवानं स्वप्ने धया
विज्यात ।

हे राजन ! जि थुगु बिहारं जि चवने मखु ।
जितः मेगु विहार दयेकी धःका आज्ञा दयेका अन्त-
र्धानं जुया विज्यात । राजाया न्हेलं चाय्का अनर्थ
धःका मती तया चवन । थुखुन्हूया रात्रीस राजा
यात आज्ञा दयका विज्यात । त्रासं न्हेलं चाल ।
मन अंदोलयांना विज्यात । प्रभात जुस्येंलि, नित्य
पूजा, पाठ सम्पूर्ण सिधयेका शयन जुया विज्यात ।
थुखुन्हूनं न्हिन्ह्यें स्वप्ने धया विज्यात । राजां
न्यन- हे भगवान ! छलपोल गजागु थासे विज्या-
य्गु धःका न्यन ।

श्व ललितपुरे कुम्भतर्थें न्हिन्ह स्नान यांना
बास याइम्ह हिरण्यक नाम छुं चवंगु थ.य्, न्हापा
त्रेतायुगे मञ्जुश्रीनं काली दहें छवना विज्याबले
निस्यें लंख मसुगु पुखु छगू दु । श्वहे पुखुली दश्वी
मणो चंत्य छग्व दु । श्वहे पुखुली वरूण व वरूणा-
वती नाग-नागिनीपि वास यांना चवंगु थासे बिहार

दयेकी श्वहे विहारे भौयात छुं लिना यंकीगु, श्व
 छुं भोखनेवं लितुलिना यंकी जि सदां बास पाये
 धःका भाजा दयेका अन्तर्ध्यान जुया बिज्यात ।
 थुखुन्हुया रात्री बिते जुयाव प्रातःकाल जुस्येलि
 थःव नित्य स्नान कर्न श्री भगवानया पूजापाठ
 पंचामृतादि क्षीर भोजन सिध्यका गुरु, पुरोहित
 यात निमन्त्रणायाना, पुनः विहार निर्माणयायेगु
 दिन बेला स्वया, पुखुली चवंहा नाग-नागिनी
 साधना याना, पुखु ल्हाना चैत्य संमुख याना बिहार
 दयेकाव हल । दय्काहहं लक्षणया प्रमाणं देवालय
 दय्काव त्रयोदश भुवनया प्रमाणं अजुलि तयाव
 प्रतिष्ठा याना हिरण्यक नाम छुं वासयागु निमि-
 त्तिनं हिरण्यवर्णं महविहार नामकर्ण दानपति
 भाष्कर देव जुया निति भाष्कर देव संस्कारित
 जम्मा संघगणपि ६०० खुसम्ह सर्वसघ सहितनं
 न्हिन्हासिया मुथे, न्हिन्हे वहनी इश्वरयागु नित्य
 पूजा पाठयाना चतुर्थ प्रहरे गभारसि थाना अपर-
 मिता धारणी ब्वना श्री भगवान सेवा भक्त याकगु
 जुल । थुपि संगपिन्त जेवाहाः सँ धैगु नाम जुल ।
 थुपि सर्वसंघ छम्हथेछम्ह शास्त्र बिद्या तन्त्र मन्त्र,
 अनेक शिल्पकला ज्यासःपि स्यूपि जुया थान

थानान्तरे वास याना न्हिन्ह श्री त्रिरत्नया सेवा
 भक्ति याकगु जुल । थुगु विहारे पून्हा पत्तिक जज
 यायेगु, पर्व पर्वपत्ति पूजा पाठ यायेत जग्गा जमिन
 तथा विल श्री योगास्तर आगमदेवया थाय्
 पून्हि पत्तिक रात्री पूजायाना दश भूमिया इश्वर
 तथागतपि निमन्त्रणा यायेगु गुठी दयका बील ।
 थुगु पुण्यया प्रभाव नं कुल संतान छह्य दत्त । अति
 सुन्दर हृष्ट पुष्ट शरीर पुत्रया स्वाः स्वया अति
 हर्षमान नं गुरु पुरोहित निमन्त्रणा याना जातकर्म
 नामकर्ण याना थव ईष्टमित्रपित्त मेवा मिष्टान्न
 भोजनयाका दान प्रदान याना व हिथं श्री भग-
 वानया सेवा भक्ति यानांव चोन । थुगु कथं धर्मया
 प्रभावं नं रोग दुःख मदयाव सुभिक्ष जुयाव न्याय
 निति धर्म नं प्रजा प्रति पाल याना चवन जुल ।
 चोंचो २ बुद्धावस्था जुया वसेलि थव पुत्रयात
 म.क्कोसेनेकने यानाव दक्कं ज्ञानगुण विद्या पारगत
 जुस्यंलि भिम्ह सुलक्षणी सुन्दरी कन्या शुभ लग्नसं
 विवाह यानाव विल ।

थनलि छन्हुया दिने मने चिंतना यात । थव
 संसार अनित्यगु थव शरिर थीर मदु उक्कं राय
 द्वेष मोहमाया पापया जाल दक्क तोता निर्वाणया

निमित्तिनं प्रवज्या व्रत चले याय धकं गुरु
 पुरोहित निमन्त्रणा याता शुभलग्नसं थमं दयकागु
 विहारेसं चुडभकमं याता श्री त्रिरत्नया भाव
 भक्ति पाठ पुजा याताव चोन । थनंलि श्रावक
 प्रत्येकयानं पूर्ण याता हाकनं महायान चर्या
 याता गुरुयाके शिक्षा-दिक्षा सेनासयका श्री योगा-
 म्बर गुह्य देव देवा पुजा याता थव पुत्र यात
 राज्याभिषेक विया निर्वाण जुया दिज्यात । थनंलि
 युवराजानं थव बुवाया वचनथ्यं न्याय नोति
 धर्म नं पुजा प्रतिपालया व श्री भगवानयागु सेवा
 भक्ति भाव याता पर्व २ पतिकं गुरु पुरोहित
 निमन्त्रणा याता भक्ती याकगु जुल ।

थनंलि छन्हुया दिने भक्तपुरे जात्रा जुया, ससले
 निह्य स्त्री पुरुषं नखत्था बिज्यात । निह्यिया
 अत्येत खुसो जुया भक्षा भोजन नय त्वने धुंकल ।
 दिन बितय् जुया वल । थव ससुर पिता निम्हसिके
 बिदा पवन । मां-बौ निम्हेसिनं धाल-थौं चछो थनहे
 दिसं लिबात, कन्हे न्हापनं दना भोजन भपियालिहां
 बिज्याहुं धका गनाबिज्यात । जिलाजनं वित्तियात
 भो समुरपिता माता ! कन्हे जिमिगु विहारे श्रीभग-
 वानया न्ह्योने यज्ञ होमयाना रात्री श्री योगाम्बर

गुह्यदेव देवीपि पुजाय यगु दिन उक्थं जिपि लिहां
 मवंस्य मजील धया बिदाकागु जुल । थनं ससुर
 वौहस्ये' धाल- कन्हैयागु पुजा जि छक स्वये
 ज्यूला धका न्यन- ज्य । बिज्याहुं धका धया निह
 स्त्री पुरुषनं थव देश ललितापुरे थयंका रात्री
 जुस्यंलि शयन जुल । प्रातःकाल जुस्यंलि थयं गुरु
 पुरोहित निमन्त्रणा दाना ईश्वरया थात मालव
 त्रिधि विधान याना श्री योगावर गुह्यदेव देवीपिगु
 पुजा प्रारंभ जुल । थुगु अवसरे भक्तपुरया ससुर
 पिता थयंकवल । थव दुष्ट जनया मने मखुगु मति
 तथा विषजोना वल । क्षीर थुया च्वंगु थासेवना
 सुनानं मखंक विष तथा मखुथ्ये च्वंक खंल्ल ना
 च्वन । म्हाम्हेसिया बीयात सन्मान याना नके
 त्वकेगु जोरेयाना च्वन । आगमे पुजा संपूर्ण जुस्यंलि
 क्षीर भोजन याकल । दशपारमितां विवार यान
 बिज्यात । थव क्षीरे विष दु धेगु ध्यान सियका
 विष शोधन ज्वीगु श्री महाप्रतिसरादेवीयागु मन्त्रं
 शोधन याना भोजन याना दिज्य त । भक्तपुरया
 ससुर पिता भ्ने भ्ने कना इ ब्वाला ब्वाला वेळा
 न्वं मवास्य नूर्द्धा जुया ग्वतुला च्वन । थन आगमे
 बिज्यापि दशपारमितापिनी भोजन सिधल । सुहे

मनुत मदया चोन । छे पाहुनाव म्ह मुर्छा जुगुलि
उख्ये थुख्ये वंछंमाला हया केना जुल छुं लगे मजु
थन दशपारमिता सियका आज्ञा दयकल हे जज-
मानपि आमदुष्ट जनयात छुं वास लगे ज्वी मखु ।
जिमिगु पालीसिला जल त्वंकि उबलेतिनी लनी
धया अज्ञा दयेका तुति सिला १० फिमहेसिगुं
जल त्वंकल छीत म्वाय्क दनावया मनं चायका
दशपारमिता याके छेमा पवना भक्तपुरे ल्याहाँ वन ।
थन ईश्वरपिसं राज राजकुमारयातं सता आज्ञा
दयकल ।

भो राजन ! आबं ले जिपि वेमखुतः । छिमिगु
विहारे सर्व संघे थकालिपि कीहा च्वना पुजाभाव
यानचवं धका धया स्वर्ग भुवने लिहां विज्यात ।
ईश्वरया वचनथ्ये पर्व २ पत्तिकं विहारे थकालि
कथं दशपारमिताया रूपं थिति चले जुया च्वन ।

थनंलि दशपारमिता ईश्वरं आज्ञा दयका
विज्यात हे राजन ! आबंलि श्व विहारे सर्व संघे
ज्येष्ठपि फिमह दशपारमिता समझे जुया पुजा आज्ञा
पयकाल दयवं चलेयापि वने तेल धकं आज्ञा दयका
स्वर्ग भुवने विज्यात ॥ ॥

मासो पवासो ब्रतया खँ

(माय्भ्रवसँ च्वनेगु ब्रतया खँ)

मध्ये देशे भारवाद धंगु स्थानया राजा सुदत्त
राजा जुया च्वन । थुह्य राजाया स्त्री महारानी
पिंगलादेवी धंगु नां जुया च्वन । न्याय, नीति,
धर्म, प्रजा प्रतिपाल याना च्वक्व प्यदें च्यादें नं
सन्तान मदु, अनेक दानधर्म पाठपूजायातनं सन्तान
मदुगुलि छन्हुया दिने राजां थःव स्त्रीयात धाल —
हे स्त्री ! छंयाना जिगु कुल नाश ज्वीन ।

कुल नाश यावह्य छ धका बारम्बार न्वात ।

थन रानीनं बिन्तीयात—भो स्वामी ! छुयाय्?
कीगु कर्म, सकसियां सन्तान दये धुंकल । की जक
मदुनी । कीसं न्हापाया जन्मे छु पापयाना बल ज्वी
थौं कीत सन्तान मदु । आछुयाय ! धका नुगः
मोछका अफशोच याना, छालाना थुलुम्हु रात्री
पिंगला रानीयात स्वप्ने वयन । हे रानी ! छ
नेपाले वषा श्री गुह्येश्वरीया शरणे च्वना, श्री
त्रिरत्नया सेवा याना च्वं । छन्त सन्तान दईतिनी
धका इश्वरं स्वप्ने धया बिज्यात । थुगु त्रास न्हेलं
चाल स्वामीया पौरं ग्याना थके दुगु धन सम्पती
खर्च भाको ज्वना नसंचाया प्रहरे सुनानं मखं

थः एकान्त पिहांवया नेपाल थ्यक प्रस्थान जुया
 वल । ववंववं नेपाल पुण्य भूमि थ्यन । आकाशं
 निर्ये श्री स्वयम्भू दर्शन याना मनं मनं इश्वर
 याके प्रार्थना यात । हे प्रभु ! जि दुःखी खना
 प्रशन्न जुया विज्याहुँ धकाः वारंवार डण्डवत् प्रणाम
 याना अननं श्री गुह्येश्वरी दर्शनयाना दुथ्य फुथ्य
 पूजा भाव याना चवन ।

इश्वर प्रशन्न जुया आज्ञादयेका विज्यात हे भक्ती
 वत्सल । छंगु भाव भक्तिनं जि खुखी ज्वी धुन, आछ
 स्त्री एकान्तनं थन चवने मते । मञ्जु पटन देशे
 (ग्वले) चवना, न्हिछक जलपान याना लछी
 दय्व छक अन्न नया मास उपवास (माय् अवसं
 चवना) धर्मयाः । छन्त राजां कावैतिनी । उगु
 अवस्था छन्त सन्तान प्राप्त जुया ऐश्वर्य बढे ज्वी
 तिनी धका आज्ञा दयेका अन्तर्ध्यान जुया विज्यात ।

थुखुन्हु निर्ये श्रावण शुक्ल पारु खुन्हु न्हिथं
 मोल्हुया इश्वरया जप-ध्यान, पूजा याना जलभात्र
 पान याना, रात्री धूप-दीप च्याका जागंतन यान,
 चवन औंसी खुन्हु रात्री चाः चवना भाद्रव शुक्लया
 पारु खुन्हु गुरु, पुरोहिर्तापि सत्ताः जज्ञ होम
 याना अनं छछाः नया हाकनं हाकनं मास उपवास
 ब्रत याना चवन जुल ।

थुक्कथं दछि दया वल । राजा सुदत्तया थःव
 स्त्री लुमना वल । मामा जुल, गनं मदु । खना
 घापि नं सुनदु । थुगु अवस्था थुगः मछिका महा-
 रानीया पीरं नेपाल वने धका, नेपाल थेनक प्रस्थान
 यात, ववं ववं, नेपाल झण्डल थ्येसॅलि श्री स्वयम्भू
 दर्शन याना प्रार्थना यात हे इश्वर । जिह्वा स्त्री
 पिगलादेवी रानी याकनं नापलाये दयेमा धका श्री
 स्वयम्भूया जप ध्यान पाठ पूजा प्रदक्षिना याना
 थुगु थासनं श्री हे वज्र नैरात्मा देवी दर्शन यायेया
 निम्ती पूर्व सन्मुख याना विज्याना ववं ववं मंजु
 पटन देश (ग्वलः) थेन । रानीया नित्यथ्ये
 पूजाया सामाग्री ज्वना श्री गुह्येश्वरीया स्थानस
 लॅय् वना च्वन ।

थुगु अवसरे सुदत्त राजां खनेवं काम राग
 दाह जुया लॅय् वना च्वम्ह रानीयात ल्हा ज्वना
 च्वन । थुगु बखतस लॅय् क्षेत्र देवतापिसं खना,
 रानीयात पुरुषं ज्वना तगु खना देवतापिसं राजा
 यात सास्ती यांत । राजा तॅम्बय्का, खङ्ग ज्वना
 युद्ध यात ।

थनं रानीं खना इश्वरपिके क्षमा पवन । बिन्ती
 यात । हे इश्वर गणपि ! थुम्ह राजा जिहे स्वामी

खः तोता विज्याहुँ धका बिन्ती यासैलि इश्वरपिसं
 तोता विल । थन राजा रानी निम्हं भी हे वज्र
 नेरात्मा देवीयागु पूजा पाठ, जप ध्यान तोत्र
 प्रार्थना यासैलि इश्वर प्रशन्न जुया आज्ञा दय्का
 विज्यात हे रानी ! छ र्पनिनिस्स्ये शौभाग्यवती जुया
 थवः स्वामी लिसे थवः देशे लिहाँहुँ कुल सन्तान
 प्राप्त ज्वी अन्ते सुखावती भुवने वासलायी धकाः
 आशिवाद विया अन्तर्ध्यान जुया बिज्यात ।

इश्वरया वचन न्येना थव च्वना पास मञ्जु
 पटन देशे वया शाक्य भिक्षु गर्णपि सता विहारे
 च्वम्ह भगवानयात जगा जमिन आइस्ता तथा
 थःव स्वामी सहितनं मारवाव देशे लिहाँ वन ।

थव देशे थ्यंका न्हिथं श्री त्रिरत्नया सेवायाना
 भी हेवज्र नेरात्मा देवीया जपपाठ याना च्वच्वं
 रानीया गर्भनं कुल सन्तान पुत्र छम्ह दत्त । इश्वर
 या प्रभाषनं दुम्ह पुत्रयात थव कुलाचारथे जातकर्म
 नामकर्ण यानाव भिनकं प्रतिपाल यानाव तल ।
 कथनं मांस पूर्ण जुया व अन्न प्राशन यानाव थःव
 धिति गुरु पुरोहित निमन्त्रणायाना, मेवा मिष्टान्न
 भोजनादियाका अनेक दान धर्मयानाव च्वन जुल ।
 थुगु धर्मया प्रभावं कालान्तरस निर्वाण पदलाना
 उद्धार जुया वन ।

थनंलि कलिया समय पूर्वया किरातीतस्ये
 गोकर्णे बासयायां न्हय्गू पुष्टा तक राज्य चलेयात ।
 अन्त्य पटक्व धयाह्य किराती राजा दले वया प्यका
 ल्ये बवारि दयेका बास यात । थुह्य राजां थःहं
 धेयें बयात अथवा सचोनं धाःसा प्राण हथ्या काईम्ह
 जुया चवन ।

थुगु अवस्था दल देशे च्वंपिनी प्याहांवय्
 ग्याना थो शाक्यमुनी भगवानयात नित्यकर्म पुजा
 भाब, भोजन तुतेयाय् मजिया, न्याख(चोकया कुल-
 पाद सन्तान बालक मचायात नित्य कर्म स्नान
 पूजा पंचामृत क्षीर भोजन समेतं ज्वंका, घण्ट छगो
 बबसाय्का, खापा खनेत बवे ताचा यंकेत ताचा
 लल्हाना छवया हल ।

मचाया बिहारे थ्यंका खापा चायेका, ताः
 खना द्वह्वावना स्नान याकेत कलश ज्वना धान-
 हे भगवन ! स्नान याना बिज्याहुधका हाला च्वन
 थौछि वन, हाकनं धाल बध्यनं स्नान याना

बिमज्या । सुथयसिया प्रहर वितय ज्वी धुंकल ।
 मचाया नये पित्यात खोया धाल, अलेतिनी श्री
 भगवान मुसुमुसु न्हिला लः फयाकया स्नान याना
 सिन्ह तिना, भोजनयाना विज्यात । थन मचाया
 हताहासनपुजाया सार्दमंताःचा ज्वना, गॅ ववखाया
 खापातिना छें लिहांवल । छें च्वंपि मचाया मां-बौ
 पिनी मचा आतकं लिहां मवनी, छु जुल, गथ्य
 जुल धका धन्दाकया इयांलं वयस्वया च्वन ।
 मचाया नय् पित्यागुलि व्वांय्वाय् छेंवल । गॅया
 शब्द ताल । मां बौ पिनी मचा वल धका हर्ष चित्त
 नं नकेगु तोंकेगु जोरे याना तल । मचायात छें
 थ्यनेवं नके त्वंके याना थपिनि नव त्वने धुस्यलि
 मचायाके न्येन हे पुता ! छं देवस्थाने वंगु ताउजाल
 छाय विस्तार धका न्यन । श्री भगवानं ख्वाहे मस्यु
 उकयं बिस्तार जुगु धका खं कन । गथ्ये २ याना
 वया धका न्यन मचानं कन । हे माता-पिता ! छको
 धयानं मज्यू, नोक्व धयानं मजिया स्वकगूर्लि खवया
 च्वना उबलेतिनी जवल्हा पिकया, ल्हासिना म्हुतुं
 च्वला, खवासिला, सिन्हतिना, स्वां छुना क्षीर
 भोजनयाना विज्यात । उकें लिवात धकाः कन ।
 मचां घागु खं मां बौ नं पत्थार मया । मचा वोवि

धकाः अनेक खँ तोतल धका सुमुक चवन । न्हि-
 च्छिया मागु ज्या यांना दिन वितेजुल । सखुन्हुनं
 मचायात थना खवासिका, मोल्हुइका शुद्धगु वस्त्रं
 पुंका, पुजाम लथल सिन्ह स्वां, नैवद्य, फलफूल,
 क्षीर भोजन ज्वंका गँ बवखाय्का ताःचा प्वां
 ज्वंका छ्वत । थुखुन्हुनं मचां श्री भगवानया न्ह्योने
 च्वना, कलश ज्वना स्नान यांना बिज्याहुँ धका
 हाला चवन । छको धाल मज्यु, निकोधाल मज्यु,
 स्वकोगु तक धयानं मजिस्येँलि खोया खोया अति
 नुगः मछिका धाल-अलेतिनी इश्वरं ल्हा फया लः
 कया ल्हा चाया, म्हुतुसिला खवासिला, सिन्हतिना,
 स्वां छुना भोजन यांना बिज्यात । थुखुन्हुनं सुय-
 सिया प्रथम प्रहरजुई धुंकल। उबले यचाय हर्षमान
 जुया, याकनं पूजाया सार्दाम् ज्वना गँ छगः
 बवखाया, ताचाः प्वाय् ज्वना ब्वाय् ब्वाय् बल ।
 गं छग तिनी तिनी थावा छेथ्यंक बल । मां-बो
 पिनी मायां मचायाके सार्दामकया मचायात नके
 त्बंकेयात । बाःपिनीनं मयत्वने धुस्येँलि मचायाके
 न्येन- बाबु ! थौनं लिबागु छाया ? कारण छु धका
 न्येन ।

म्हिगर्थ्येतुं ईश्वरं खबा मस्यु । छको निको

धातले जिहे मज्यू, स्वकीगुलि खवया खवया तिनी
 सिधयका वया उकें सिबाईगु धका मचां कम ।
 अथे जूसां कन्हे छको बुखं लहाना स्व । हे भगवान् !
 श्व यल देशे किराटि लिबुतस्यें राज्य याना च्वन ।
 थुमिके ब्यामाया मदु । थुमिसं धयाथे च्वंसा जक
 ज्यु । थुमिसं धैथ्य मयातधासाः मिसा मिजंतयत
 जोब हर्ण याईगु, थुमिगु भय मदयेकेत उपाय छु
 धका न्येना वा धका खें स्यन । ज्यू ज्यू धका मचां
 धाल । दिन वितय जुया वन । सखुंन्ह मचायात
 न्हापनं थना मोल्हईका शुद्ध वस्त्रं पुंका माक्को
 सार्दाम ज्वंका मचा छोया हल । न्हिन्हिथें मचाया
 थःगुताले हाला चोनि, खोई उवलेतिनी श्रीभगवानं
 भक्त मचायागु पूजा ग्रहण याना बिज्यात । थुगु
 अवसरे मचां विस्तियात ।

हे भगवान् ! श्व यल देशे पूर्वया किराती
 राय लिबु पटक्व धैम्हसिनं राज्य चलेयाना च्वन ।
 थुमिगु भयं मनुष्यपिनी ग्याना नये त्थने पुनेगुलि
 महा दुःख उक्थें थुपि मदयेकेत छु उपाय दु कना
 बिज्याहुं धका न्येन । श्व बालख मचायांगु विन्ती
 खें न्यना श्री भगवान मुसुमुसु न्हिस्ता आज्ञा दयेका
 बिज्यात ।

हे बालक ! कन्हे छ वयेवले भिगु मूसादुरु
कुछि ज्वनावा, कन्हेनिस्ये भय मन्त धन्दा काय
मते धका आज्ञा दयका विज्यात ।

थुलि खँ न्यना मचाया माक्को कर्मकाण्ड
सिधयेका छँ लिहाँ वल । मचायात नकेत्बंकेयाना
खँ न्येन । ईश्वरया वचनथ्ये खँकन । कन्हेयात
दुरुया निमित्ते गोथलायात दुरु तयेगु कुलि बि
यंकल । थुखुन्हुया दिन वितय जुया वन । नयत्वने
याना कन्हेखुन्हुयात मने डरकया सयन जुल । जव
रात बिते जुल । मुथेसिया नसंचाया प्रहरे गोठाला
या छँवना, साया दुरुकया दुरुयागु मोल बिया छँ
हया मचायात न्हिथंन्हिथंयातमागु कर्मकाण्ड स्यना
कना सार्दाम फुककं ज्वंका मचा याकचा छोयाहल ।
माक्को ज्याखँ सिधयेका मचां दुरु कुलि ईश्वरयात
लल्हाना विल श्री भगवान मंत्रय योगयाना मचा
यात विल हे बालक छं थ्व दुरु पूर्वया मू लुखाँ
पिने जवेपति प्यकालँ या दथ्वी फुके प्वंकि अले
लिफ स्वयमते ब्वाय्हुँ धका आज्ञा दयका विज्यात
ईश्वरया वचन थ्व मचाया न्हिथं यायमागु कर्म सि
धयका लुखाँ प्याहाँ वया दुरु फुकं प्वंका विस्युंवन
थुगु अवस्था कँचिहा बथानं पिहाँदया पटक्व

दरवारया अन्तपुरं द्वाहांवना राजा पटक रानीमंत्री
 भारदार कोटवाल पित थुगु अवस्था अन्तपुरे
 सकलें द्वाहांवल कुनेनं सखीपिं, नोकरी, चाकरीतेत
 नं न्यात । थुपिनं प्याहांवल अन्तपुर निस्ये म्हति
 म्हैम्है धायक केंचिहां न्याना पिछ्वया हल । पिनेनं
 लित्तु लित, पूर्वपत्तिलन वन । मर्वपि स्वयाचो पित
 म्है म्है रूपं न्याइगु सोगु उक्यं, ले'ले' अपालं
 हां न्यानासित । यल देशया ईलाका सांजघाखाथ्यं
 वले ८०० च्यास वचय जुया पुर्वपत्ति किराती
 राय लिम्बु थःगु देशे विस्युं वन । थुखुन्हुनिसें यल
 देशे परचक्र भयमंतः उक्यं थुगु विहारे वालक मचा
 किनिदै (वर्ष) तकया दापाचा जुया चवन, थुगुथिति
 थौं तकनं दुगु जुल । थुगु दर्वारयात पटक्व धेंगु नां
 चले जुल । थ्व किराटी राजाया कवसि बंगलसिमा
 पीना न्हिथं २ पूजा याना तवगु लिपा दर्वार दुना
 वस्येलि थ्व सिमा आत्तकं म्वाना चोन तिनी ।

(पटक्व दों)

थुवले निस्यें वाःपाचा सुथे न्हापनं स्नान कर्म
 मोल्हुया नित्यपूजा सिधयका गंभारसि दायगु १०८
 अपरिमिता धारणी ब्वनिगु, थ्व मचां मफया
 तधिम्ह छम्ह पासा चवनेमागु छः । सुथेसिया प्रथम

पहर गंधाना चाहू वने मागु ल्याहां वया गंभार
 सिदायगु भोजन छायागु, पाल यायेगु मोल्हुईगु १०८
 अपरिमिता धारणी व्वनेगु स्वफः ३ जाईबले गंभार
 सिथायगु अपरिमिता धारणी व्वनेगु पालं यायेगु
 मोल्हुईगु संध्याया गंधाना गणचक्रवनेगु ल्याहां वया
 तोत्र व्वनेगु दीपदान आरति, अष्ट सुगंध तिकेगु ।
 छुं कि तयगु वस्त्र तयेगु वलभद्रया न्ह्योने ५ भाग
 वापाचा मूर्ति १ प्रज्ञापारमिता १ जव पुलिक्कसं
 १ भाग श्री भगवानया व्वसं १ भाग खव पुलिक्कसं
 नागया न्ह्योने १ भाग खापातिना सयन ज्वीगु
 जुल ।



ॐ नमो कुलिशेश्वराय
संस्वराय नमस्तुभ्यं द्वाकाराय
नमस्तुते ।
चक्रेस्थिताय वीराय चक्र संवरते
नमः ॥

ॐ नमः श्री बज्रबाराही ।
मन्त्रमूर्ती जिनेश्वरी अन्यन्त वरदा
भीमालधु विंदुनिवासिनी ॥
नत्वां श्री बज्रबाराही सर्वपाप
प्रमोचनी मारविध्वंसिनी देवी
बुद्धत्व फलदायिनी ॥

इलाननी दिगी श्री संवर आगं थापन याना
सर्वसंघ गोष्ठी स्थविरपिनि मासपति अमावासीखुन्दु
रात्रो विस्थवीरपिनी कुल देवताया जप पाठ पूजा
याना देव देवीपि साधनयाना दिव्य भोजन याना
उर्द्धभाग देवलोक यात अर्पण याना हाकनं भोजन

वाकिगु अधोभाग नर्कं चोपित अर्पण याना पुनर्वार
वाकिगु क्षेत्र व उपक्षेत्रे चोपि कलखे चोपितनं
आत्मापुरे ज्वोमा धंगु प्रतिज्ञायाना गीताचन याना
रहस्य पुजा सिधका थःवछे लिहां विज्याईगु थिति
दयका विज्यात ।

योगाम्बर स्तोत्र

ॐ नमः श्री योगाम्बराय ॥

योगावरं सदावीरं चक्रमध्य
सुसंस्थीत ।

नानाज्ञान समुद्भुतं चक्रनाथायते
नमः ॥

ज्ञान दाकिणी महादेवी सहजातं
रूपिणी ।

प्रज्ञाज्ञाना स्वरूपात्मा वंदेहंमोक्ष
दायणी ॥

थनलि वंतातलेया दश पारमिताया रूपं
किम्ह महास्थविर व चक्रेश्वर सहितनं पून्हि पतोफं

विहारे होम कर्म याना रात्री श्री योगाम्बर ज्ञाने-
श्वरी आदीं सकल देव देवीपित आवाहन याना
गोतार्चन याना षटरस भोजन याना थव छें
विज्याईगु जुल ।

श्रेयोइस्य संवत् ७६७ साले यल देशे श्री
सिद्धिनरसिंह महाराजां श्री कृष्णदेव स्थापना यायेत
काशि सहरयापि विद्वान पण्डित ब्राम्हण २१ नीः
छम्ह निमन्त्रणायांना शुभलग्नसं कोत्याहुति यज्ञ
होम आरंभयाक जुल । न्हिथं अनेक स्वां, सिन्ह,
धुप दीप नैवद्य फलफुल पंचामृत संयुक्त होम याना
बान्ही जाईवले पालन याना चोन । जज्ञ दयका
त.वगु कचि अःपावाःही लिपा जाःववले छुं म्वाक
दुनावल । सखुनु हाकनं दन्ता हल । नित्य, जप,
पाठ पुजा, जज्ञ जागाबि याना वाःहीलिसु ब्राम्हण
सकसियां पालन याकगु जुल । हाकनं छुं नं म्वाक
दुनावल ।

श्वहे रितं न्हिन्हं दुना वंगुलि जज्ञ जायके
मफत । श्ववेल्स काशियापि ब्राह्मण गणपिनि मने
अंदोलजुया राजा सिद्धिनरसिंहया न्होनेवना विन्ति
यात हे महाराज छलपोलया वचने कोत्याहुति यज्ञ

होम जिमिसं पुरय याय फे मखुत, थ्व ललितपुर
सहरे आपाल तंत्र मन्त्रजंनसिया चोपि विद्वान
वज्राचार्यपि निमन्त्रयाना तारण मन्त्र प्रयोग याना
थ्व जज्ञहोम पुर्ण याय माली धका विन्ति यात ।
ब्राह्मणगणपिगु वचन नेना राजा सिद्धिनरसिंहया
मने त्रासचाया दूतपित सःता भाजा दयकल ।
भो दूत जनपि ! छिपि थथ्ये न्याखाचोके वना
कुलपादया साखा संतान मणिदेव आचार्य यात
सःताः वनाहि धका होकम जुल । महाराजया
होकम न्येना हवस् प्रभु महाराज तथास्तु धका
नमस्कार याना हतपात दूतजनपि वना वज्राचार्य
मणि देवया थांःवना वितियात भो गुरु! महाराजा
सिद्धिनरसिंहं छलपोलयात निमन्त्रयाना हल थथ्ये
विज्याहुं धका विन्तियात । थ्व दूतजनपिगु विन्ति
भाव न्येना गुरु विज्याक जुल ।

मंगले दरवारे विज्याना राजाया थास
विज्याना आशिर्वाद वियाव विज्यात । राजां
नमस्कार याना आसने विज्याका विन्ति यात भो
गुरु छलपोलं कोत्याहुति यज्ञ पूर्णयायत विघ्न उपद्रव
दक्क शान्त यायेत थातंथाय् तारण मन्त्र जन्त्र

शुक्लपञ्चमा चन्द्रमास्यै दडे जुयाव वल । खुला
 दया वस्येलि भिगु दिन स्वया अनप्राशन याक
 जुल । थव वालक अनजा छतः नेगु मखु मेमेगु
 फलफुल पक्कान मढिचढि धो दुरू नया न्हिथं २
 म्हिता जुयावोन । रोग दुःख छुंमदु थनंलि न्याबें
 या वखत जुया वस्येलि भिगु दिने थव पुरुषा कुल
 पाद आचार्य विज्याका थापना जूगु भाष्कर देव
 संस्कारित हिरण्य वर्ण महाविहार (ववाः बाहा)
 यंका कुडाकर्मयाना वज्रच र्ययद द्या अनेक शास्त्र
 विद्या तन्त्रमन्त्र शिक्षादिक्षाविद्या विज्यात थव मच
 यात छरु जक कनेव स्मनेवगा । उकें थव वालक
 खना सकल लोकपिनीयः । हानं गणित व जोतिष
 कोषशास्त्र वैशशास्त्र सकतां सयका हल । पुनर्वा
 हाकनं द्वितीय पुत्र मंजुराज जन्म जुल । थवत न
 थव कुलाचारथे विधिपूर्वक जातकर्म ताम कर्ण
 कुडाकर्म वज्राचार्य भिषेक शास्त्र मन्त्रजन्त्र गणित
 षट्शास्त्र सेनेकने याना तल । थुगुक्थं पुनर्वा
 तृतीय पुत्र भारदेव जन्म जुल । हाकनं चतुर्थ
 पुत्र महामणि पंचम पुत्र सिद्धिमुनी थवते पंचम
 पुत्र सहित नं चक्र विहारे विज्याना लोकपित
 उषकार याना च्वंच्वं, मज्जुदेव जोवनया अवस्थात

मंजुनाथ धयाम्ह कन्या छम्ह दिवाह यानाव
 थव थिति ईष्ट मित्रपित भोजनादि याका सुखनं
 चवन । (करवीर तन्त्र चवया वन) निर्देष्टदे दया
 वल मंजुनाथा गर्भनं पुत्र संताव दत । विश्व देव
 धकं नाम कर्ण याना भिनक प्रतिपाल यानाव
 जजमानपित उ कार यानाव चवन । थव किजापि
 एम्हेलित नं अनेक शास्त्र विद्या तन्त्र मन्त्र
 जन्त्र, व्याकरण, जोतिष, गणित, कोष शास्त्र,
 षट्शास्त्र सेनेकने याना पर उपकार याना
 विज्यात । थनंलि छन्हुया दिने मणिदेव वज्राचार्य
 चृद्धावस्था जुधावसेलि समाधि योगयाना निर्वाण
 पद लाकजुल । थवेलस छन्हुया दिने मंगः वजारे
 ह्प तले प्येका ले चवना विदेशी मनु छम्हस्ये
 मचा छम्ह सयना छलकपत ईन्द्रजाल याना लाफ
 पिया, स्ये, स्व, गुण चु, दवव कयना, लोकपित
 मोहयाना केनाचवन । गुलिं २ मनुतय ज्या वनेमा
 पिनि नं ज्याः मवंस्ये स्वया चवन । गुलिं २ मचा
 तय, आखः व्वंवनेमापिनी आखः व्वं मवस्ये थ्वहे
 चटक स्वया चवन ।

थुगुकथं आपालं मनुत मुंका भुलेयाना धेवा
 कया ईन्द्रजाल याना चवन । थनंलि निम्ह २

प्येम्ह नवाते अ.खनि ब्रदने धका गुरु यार्था वन ।
 गुरुम्ह धाल हेमचात ! थौं छिपि दगु लिवात मन
 वना वया धका स्येन । मचातस्ये धाल भो गुरु !
 थौं मङ्गबजारे प्यकाले विदेशी मनु छम्हस्ये मचा
 छम्ह स्थाना लाफ पिद्या स्ये, स्व, नुगचू केना चटक
 यानाचवन । थनवैपि सकलें स्वया चवन जिपि जक
 थन नया धका मचातसेकन । हानं मेपि मचातसेनं
 थथे हे कना क्षमा यावा विज्यातुं धका धया चवन ।
 थन गुरुं आज्ञा दयेका विज्यात । हे मचात ! अथे
 जूसा छिमितनं अनौथागु चटक स्यनावी । छिमिस
 धाक छग जोना मंगःहिति लः काहुं अ म विदेशी
 मनुयागु चटक स्वं मखु छिमिगु चटक स्ववं धका
 धया विज्यात । मचा तस्ये धाल हे गुरु ! थ्व ह्व
 ह्व दुगु धाकले लःचोनि मखु, जेयावनी धका
 मचातस्ये धाल । थन गुरुम्हसें आज्ञा दयकल
 हे मचात ! थुके जि मन्त्र प्रयोग यां धुन, लः ज्वे
 मखुत हुं हुं याकनं लः कया हौं धका आज्ञा
 दयका विज्यात ।

थन मचात सकसिनं धाकः छग जोना लःका
 वनं मंगले हितिगाले व्वहां वना लःफया सकसिनं
 लल याना त्वाथलं थत हया च्वे थ्यन ॥

सकल लोक जनपिसें खन स्वया ल्यु ल्यु वया
 चोन प्यकालें हपतले थ्यन मस्यया चटक मस्वस्य
 लोकजन सकलें मचाते लःकया हःथां स्व वल
 मदेशीया लंज्यः चाल जिगुं चटक थ्व मचातस्यें
 याना जित हान्यजुल धका मतितया बय् च्वंगु धू
 छुकायका जोना मन्त्रयाना धाकले छ्वाका विल ।
 फुकं जोया वन मचातय गुरुं वोवि धका ज्ञाना
 थ्व विदेशीयात वोविया गुरु याथां वया खंकना
 च्वन । गुलि मचात खोया वल थन गुरुं धया
 विज्यात । हे मचात ! छिमि सकसियां आखः
 व्वना च्वं, जि तले छक वने धका धया ईमाया
 पा छपा ज्वना तले थहांवन । पोलच्चे वना
 ईमाया रूप कया बोयावन । मंगले हपतले प्यका
 ले च्वंम्ह विदेशी मचा यानु स्वंला पाय् आका-
 ळाकां बोयावना ज्वना थव छं लिहां विज्यात ।
 थव स्त्री यात धाल हे स्त्री ! थन सुं गुम्ह वया
 जित मावला लगनखेले छोयाहि छनं छंगु
 पुरुषार्थ याना वयों धका धया स्वंला थःवगु छें
 सुचुका लगनखेले माजु सिमायात आकर्षण मन्त्र
 प्रयोग याना तुति मूलगु कचा न्ह्या ल्हातं जोना
 तल । थुगु वखते चिकुला जुया घाय् नेगु मदया

प्रयोगयाना थुगु जज्ञहोम संपूर्ण सिद्धयका विज्याहुं ।
 छलपोलयात शिलपाउ जिनं विय धका उजं दयका
 विज्यात । थन राजाया होकम न्येना गुरूं मणिदेव
 तथास्तु धन्दा कया विज्यायम्वा धका आज्ञा दयका
 थुखुन्हु रात्रीया समये विघ्नउपद्रव शान्तिया कारणे
 निशावली पुजायाना थातंथाय् तारण मन्त्र जन्त्र
 प्रयोगयाना धुप थना विज्यात ।

सर्खुन्हु प्रातसकाल जुया वस्येलि स्नानकर्म
 नित्याचार पाठ पुजा याना यज्ञहोमस थव
 मुलाचार्य जुया राजायात जजमानयाना ब्राह्मणपि
 खनी छम्हेत्तीत वेदपाठयाका वज्र घंठ जोना श्रद्धा
 पात्रेधृत पूर्णयाना होमकर्म याक जुल । थुखुन्हुनिस्थे
 विघ्न छुं मदयाव प्यन्हुहे यज्ञ पूर्णयाना विज्यात ।
 सिद्धिनरसिंह महाराजाया अति हर्षमान जुया थव
 मित्र पासापि, थवचितिगणपि निमंत्रणाया मेवा
 मिष्टानं पंचामृत मध्विचढि धौः दुरु भोजन याका
 ब्राह्मणपितनं यथा शक्त दान दक्षिणा वियाव संतुष्ट
 याक जुल । थनलि मणिदेव आचार्ययात थव न्होने
 सःता आज्ञा दयकल भो गुरू ! छलपोलया शास्त्र
 मन्त्र जन्त्र तारणया प्रभाव नं जिगु ज्या सपूर्ण
 सिघल । आः छलपोल यात जिकेदुगु चिन्ह छता

बिग्र धया विज्याहुँ धका विन्तियात । थन गुरूं
 विचार यात जग्गा काय् धासा बुई ज्याः याना
 नयमाली गुरूपुरोहित जुया बुँज्याजंगु थिक मजु,
 बरू जजमानपित उपकार पुजाआजा याना नयेत
 जजमान दयके, ग्याखाचुके छेँ मयागुगुया निति
 थहे ललितपुरे ज्ञानदेव राजां द्वापर युगे दयका
 जंगु चक्रवर्ण महाविहार चुकवाहा छगु वकस पवने
 धका मतितया विन्तियात तथास्तु थनिनिस्यं छल-
 पोले विज्याना रत्नपानी बोधिमस्त्व यात नित्य
 पूजा याना कुल देवता सेवा याना बिज्याहुँ धका
 तालपत्रे वकस पत्र चवया विल । थुबुन्हुनिरभेँ
 राजा या हुकुमे विहारे विज्याना न्हिथं पुजा
 पाठयाना विज्याना अनेकलोकिपित उपकार याना
 जितापुर (खवना) देशया जजमान पित नं क्रिया
 कर्मयाना व विज्यात । हानं रोगोपित नाडि स्वया
 रोग अनुसारं वासयाना उपकार याना चवचवं
 छन्हुया दिने मंजुश्री या अंश अति जानीम्ह लक्षण
 संयुक्तम्ह कुल सन्तान छम्ह जन्म जुल । थुम्ह
 बालख यात जात कर्म व थव कुलाचार थव नाम
 कर्नयात मंजुदेव धका नां छुना भिनकं प्रति पालन
 यानाव तल । थुम्ह बालख मंजुदेव कुमार न्हिथं

छांलापि सा, म्ये, फै, दुगु, दोहं थुमिसं खंना
 थगु सिमाया हः नःनल । थः जुक एकान्त न
 विज्पात । मङ्गले चोम्ह विदेशी मनुःया स्वला
 पाय् मदया थः मचायात स्वाके मफया फसात
 जुया मने लुलकी, न्हाच मचा ते लःका वगु जि
 ज्वेका विया उक्क्ये जित धोका दिल धकामति तया
 लोकजनपिके न्यन- न्हाच लकया हर्वापि मचात
 गनयापि धका न्यन लोकजनपिसें कन हे परदेशो!
 ईपि मचात चुकबाहाःले गुर्याथां आखः बोंवर्निपि
 धका कन हे साहु ! जि धासा चुकबाहाः धेगु मस्यु
 छक केना दिसं धका विन्ति यात । चुकबाहाःले
 वया स्ववबले गुरुञ्जु मदु । छे द्वाहां वना स्वया
 स.ता च्वन । तले च्वंम्हसें धया हल कुने मुहां ?
 न्यन । जिछम्ह विदेशी मनु धका कन, तले च्वंम्हसें
 धया हल । जि ववाहांवे मज्यु मि दुया च्वना ।
 आस्यनि धका घाल । कुने च्वंम्हस्ये घालकि
 जि धासा तचोतं आखिर जुईका वया धका
 चछ अथ्य जुःसा तलेहे वा जि कना छ्वय् धका सतल ।
 तले वना स्वगु बखते थःवगु तुति दुया मि दुया
 च्वंगु छना, अहो आश्चर्यं मिसाम्हे थुलि तक
 पुरुषार्थ केना चोसेंलि थवया पुरुष गुलितक जाम्ह

ज्वी धका मतिताया धाल- गुरुमा गुरु गन
 बिज्यात ? धका न्यन । गुरुनां धाल हुँकन लगन
 खेले बिज्याना थौं-कन्हे, चिकुगुली पशुते नेगु मदया
 प्वा, मजा, उदर्ये गुरु बा या मनंखना पशुतेत नके
 या निति हुँकन सिमा कचा तेला न्हया च्वन ।
 हुँकन वना नापला हुँ धका पतिचा तप्यंका सुया
 दक्षिण दिशा पाखे केन यालें स्वगु वखते खन
 हता २ सनं व्वहां वया लगमखेले थ्यंया स्वगु
 वखते आपलं लसकर मुना पशुतेत नका च्वंथां
 वया तुतीपाली भोसुना खवया घिन्ति यात, हे
 गुरु ! जिगु अपराध क्षेमा याना बिज्याहुँ थनिनसें
 थ्व नेपाले वया छल कपट यावे मखुत धका सत्य
 वाचा यात । थ्व खं न्यना गुरु धं बिज्यात- हे पर-
 देशी ! आमथेजूसो थ्व सिमा छ कोसेलाति ज्वनाच्चं
 थ्व पशुते प्वा मजानी थौंकन्हे चिकुगुलिं घांय्नेगु
 मदया थ्व पशुते प्वा मजानि उवर्ये छं थ्व ज्या या
 धका धया बिज्यात, थुगु अवस्था थ्व परदेशी या
 मने आ गथ्य यां, याय्ला धासा थवके शक्ती मकु,
 मयायला धासा थवत अकँजुल आःछुदा धका
 बिति यात । हे गुरु ! छत्पोलया वदने जि यांगु
 जुल धका श्री गुरु आज्ञा धका मति ल्बोका, थ्व

माजुसिमा ल्हातं ज्वना तुति ववतेला तल ।

थन मंजुदेव गुरुजु थवछे चुकवाहाःले थाहा
विज्यात लोक गणपिनि, थव परवेशीं थव ज्याः
या फेमखु धका मति ल्बीका स्वया च्वन । गुरुज क
खने मदयेवं, सिमा थीक न्वया, परवेशी थसपायक
जू वन । वाथा २ कनाचीन बल्ल २ वना तिजक
पला छिना चुकवाहाःले गुरुया छे वना पालि भो
पुया दक्षिणा बिया क्षेमा पत्रना स्वलापाय् कया
मंगले हपतले च्वंम्ह थःव मच'यात स्वलापाय् तया
म्वाका थःव देशे लिहावन । थव स्वया धन्य २
चुकवाहाःया जामन गुरुधका प्रशंसा याना थःवछे
लिहावन । थवछे तमामदेशविदेशे जाहेरजुया वन ।
श्री संवत् ७८६ साले मंजुदेव क्रिया ममुचय च्यगु ।

७७८ श्री निवासया पर्याय

श्री सम्बत् ७९८ मणिदेवया पुत्र विश्वदेव ।
श्री संवत् ८२६ साले ललितपुरे जयबीर योग,
नरेन्द्र मल्ल या पर्यायस चुकवाहाःले बुनेनं पिनेनं
चिकं अःपां, बंसिया दथ्वी च्वंगु चंत्य जिर्णोद्धा
यायत मुलाचार्य मंजुदेव उपाध्या थःव पुत्र विश्व
देव च्वना माक्व विधिविधान पुजा याक जुल ,
दानपति दुःखहर्ण लावत स्त्री विष्णुमति सहितनं
जज्ञ होम कर्म याकगु जुल शुभं । □

लेखकया पाखें पिहांवगु सकूत

- १) मौननाथ बंशावली
- २) बुंगद्योया रथ यात्रा खें
- ३) चुकबाहाःद्यो पद्यपाणी जटाघारी लोकेश्वरया महात्म्य
- ४) चुकबाहाःया बंशावली
- ५) बुवाहा प्रजापारमिताया वयान बंशावली
- ६) क्वाबाहाःया बंशावली
- ७) पुतवाहाःया वर्णराग

अनेक उपकारया जन्त्र कायगु स्थान ललितपुर

लगनखेल माजुसिमान्होने

- १) चन्द्रमहारोषणया तारण जन्त्र
- २) श्री पंचरक्षा देवीया रक्षा जन्त्र
- ३) श्री महाप्रत्यगिरा देवीया जन्त्र
- ४) श्री हारती देवीया बाल रक्षा जन्त्र
- ५) श्री लक्ष्मी देवीया जन्त्र
- ६) श्री आर्यतारा देवीया जन्त्र
- ७) श्री उग्रतारा देवीया जन्त्र
- ८) श्री भीमसेनया जन्त्र
- ९) पसले व्यापारया जन्त्र
- १०) लोक आकर्षण जन्त्र
- ११) पशु- सा, भ्येया दुरू वडं ज्वीगु जन्त्र
- १२) बुंससामा वडे ज्वीगु जन्त्र
- १३) छ कलह मज्वीकेगु जन्त्र
- १४) शत्रु निवारण ज्वीगु जन्त्र
- १५) भय मदैगु जन्त्र
- १६) छ मभिक म्हंगुया जन्त्र

याकू: मच्छिन्द्र प्रिन्टिङ्ग प्रेस, इस्लाछें, यल फोन ५-२६५०८